



JORNAL

do

Parlamento Nacional

V LEGISLATURA

2.ª SESSÃO LEGISLATIVA (2020-2021)

REUNIÃO PLENÁRIA DE 26 DE MAIO DE 2020

Presidente: Ex.^{mo} Sr. Aniceto Longuinhos Guterres Lopes

Vice-Presidentes: Ex.^{mos} Srs. Maria Angelina Lopes Sarmiento
Luís Roberto da Silva

Secretária: Ex.^{ma} Sr.^a Regina Freitas

Vice-Secretárias: Ex.^{mas} Sr.^{as}

SUMÁRIO

Sr. Presidente (Aniceto Longuinhos Guterres Lopes) loke sessão plenária iha tuku 09 liu minuto 43 dadeer.

Antes Ordem do Dia — Leitura ba agenda de trabalho do dia.

Iha intervenções diversas, Sr. Deputado sira hato'o assunto sira hanessan destituição ba Secretária da Mesa no Vice-Secretária da Mesa, segurança iha cidade Díli laran,

subsídio emergência ba uma-kain ne'ebé atraso, Governo analisa impacto hussi Estado de Emergência molok atu estende, Governo tem que cria decreto-de-lei ruma hodi bele facilita execução fundo Covid-19, taka fronteira, aeroporto no ponte-cais, impacto hussi inundação ne'ebé estraga povo nia aihan.

Ikusmai, Sr. Secretário de Comunicação Social (Merício Juvenal dos reis «Akara») hatán ba Sr. Deputado sira preocupação.

Ordem do Dia — Apresentação Relatório Anual 2019 hussi Comissão Anti-Corrupção, ne'ebé hato'o hussi Comissário Sérgio Hornay no equipa.

Sr. Deputado no Sr.^a Deputada sira ne'ebé halo intervenção maka Francisco Miranda Branco (FRETILIN), Olinda Guterres (KHUNTO), Noé da Silva Ximenes (PLP), António dos Santos «55» (FRETILIN), António Verdial de Sousa (KHUNTO), Antoninho Bianco, Helena Martins Belo,

Silvino Adolfo Morais, Maria Angélica Rangel da Cruz dos Reis, Alexandrino Cardoso da Cruz, Lúcia Norberta dos Santos Martins no Gabriela Alves (FRETILIN), Maria Angelina Lopes Sarmiento (PLP), Fabião de Oliveira no Josefa Álvares Pereira Soares (FRETILIN), no Francisco de Vasconcelos (PLP).

Sr. Presidente em exercício (Luís Roberto da Silva) taka sessão plenária iha tuku 13 liu minuto 24 loraik.

Sr. **Presidente**: – Muito bom dia, distintos Deputados, Vice-Presidentes, Secretária.

Horas hatudu tuku 9 liu minuto 43.

Ita atu hala'o plenária ohin, terça-feira 26 de maio de 2020. Observação hussi plenária segunda-feira horissehik e to'o ohin loron mós ita haree, ita-nia maluk Deputado sira hussi Bancada CNRT, PUDD, FM/UDT la marca presença iha sala plenária ida-ne'e. Horissehik lokraik, ha'u buka hatene tuir lista presença horissehik, Deputado sira-ne'e falta na'in-rua de'it: Deputado Mariano Assanami, Presidente PD, ho Deputado António Benevides (PUDD). Resto ne'e preenche hotu lista presença. Lista presença sira preenche, maibé atividade plenária sira la tuir. Facto ida-ne'e hatudu, dala ida tan, confirma boicota sistemático atividades Parlamento nian, hussi início fulan maio to'o ohin loron. Precisamente tanba atuação sira hanessan ne'e mak mossu exigência halo mudança ba Presidência no Mesa Parlamento nian, ne'ebé iha abertura sessão plenária horissehik nian ha'u pronuncia tiha ona hodi fó clarificação ba público.

Parlamento, tuir regras funciona ho quórum de funcionamento, e hola decisão ho quórum de deliberação. Sira ne'ebé la marca presença la impede Parlamento ne'e atu funciona nafatin, tanba ita preenche quórum sira-ne'e: quórum de funcionamento ho quórum de deliberação.

Nune'e, ha'u declara aberta sessão plenária ohin, reunião plenária de terça-feira 26 de maio de 2020, ho agenda sira tuirmai: Período de antes da ordem do dia – declarações políticas das bancadas parlamentares, intervenções diversos dos Srs. Deputados, informação do Sr. Ministro da Reforma Legislativa, e ohin Sr. Secretário de Estado mak representa; Período da ordem do dia – apresentação do relatório anual de 2019 da Comissão Anti Corrupção, ponto agenda n.º 2 destituição do cargo da Secretária e da Vice-Secretária da Mesa do Parlamento Nacional, (3) Eleição do cargo da Secretária e da Vice-Secretária da Mesa do Parlamento Nacional.

Sobre ponto agenda n.º 2 e n.º 3, ha'u hakarak soe filafali ba Plenário, se agenda ida-ne'e mantém ka lae, tanba to'o horissehik loraik requerimento sira-ne'e seidauk tama, requerimento ba destituição no requerimento ba candidatura Secretária ho Vice-Secretária sira-nian. Então antes ita aprova agenda sira-ne'e, ha'u fó uluk ba bancadas parlamentares ou iha hanoin ruma hussi distinto Deputado sira. Halo favor.

Distinto Deputado Francisco Branco, faz favor.

Sr. **Francisco Miranda Branco** (FRETILIN): – Bom dia, Sr. Presidente, Vice-Presidentes, Secretário de Estado, colegas Deputados. Sim, tuir loloos ohin ita avança ona ba halo destituição

cargo Secretária e Vice-Secretária Mesa Parlamento Nacional nian, maibé tanba iha lapso uitoan, lapso iha candidato sira-nia naran, então ami foin completa e hatama dadeer-saan ida-ne'e. Ne'ebe, karik ita bele iha altura própria iha plenária extraordinária ida, ita arruma tiha situação Mesa hodi completa cargo Secretário e Vice-Secretário Mesa da Presidência do Parlamento Nacional ne'e.

Obrigado, Presidente.

Sr. **Presidente**: – Obrigado, Sr. Deputado.

Sr.^a Deputada Olinda, faz favor.

Sr.^a **Olinda Guterres** (KHUNTO): – Obrigada, Sr. Presidente, Secretária da Mesa, Vice na'in-rua, Sr. Secretário de Estado, colegas Deputados.

Loos duni, iha lapso uitoan horissehik, ami hatama duni naran, maibé la consegue, e horissehik ami hanessan baibain kedas ha'u hatete dehan ami ne'e iha *satu* comando, tanba ne'e mak horissehik lokraik ha'u ba consulta filafali ho Na'i Conselheiro Partido KHUNTO nian, mak Conselheiro hatudu ami na'in-haat ne'e ida atu ba assume cargo iha Vice-Secretária da Mesa.

Obrigado, Sr. Presidente.

Sr. **Presidente**: – Obrigado, Sr.^a Deputada.

Nune'e, ita concorda, ita aprova agenda ne'e, período da ordem do dia ne'e iha ponto agenda ida de'it ba relatório anual Comissão Anti-Corrupção nian. Ponto agenda n.º 2 e n.º 3 ita hassai, ita adia ba próxima sessão plenária, que bele sessão plenária extraordinária ou sessão plenária normal.

Ita aprova ona agenda, ita tama kedas ba período de antes da ordem do dia, declarações políticas das bancadas parlamentares. Iha bancada parlamentar ruma hakarak halo declaração política? Se la iha ita bá kedas segundo ponto iha agenda, ba período de antes da ordem do dia, intervenções diversas dos Srs. Deputados.

Inscrição seidauk iha, maibé iha ponto de ordem ida iha-ne'e.

Ponto de ordem: Distinto Deputado Noé da Silva.

Sr. **Noé da Silva Ximenes** (PLP): – Obrigado, Sr. Presidente, bom dia ba Ita e Vice-Presidentes, Sr. Secretário de Estado e colegas Deputados.

Ha'u hussu ponto de ordem ne'e atu secunda de'it opinião hussi FRETILIN no KHUNTO.

Mak ne'e de'it.

Obrigado.

Sr. **Presidente**: – Obrigado, distinto Deputado.

Iha primeira inscrição: distinto Deputado António dos Santos «55».

Sr. **António dos Santos** «55» (FRETILIN): – Obrigado.

Bom dia, Sr. Presidente, Vice-Presidentes, Sr. Secretário de Estado e colega Deputado sira hotu.

Iha-ne'e ha'u informação rua de'it mak atu hato'o iha dadeer-saan ida-ne'e. Primeiro kona-ba subsídio emergência ba uma-kain ka chefe da família. Tanba ami hanessian Deputado representante hussi distrito, ami fila hussi ne'e kalan-kalan sira sempre telefone mai ami bainhira mak selu, tanba diretor geral hussi Ministério da Solidariedade Social dehan katak selu iha dia 22 to'o dia 25. Hahú iha data 22 ne'e ita-nia população ka chefe de família sira-ne'e bá hotu iha sede suco, tanba mak hussu to'ok Sr. Secretário de Estado, karik dados balun mak la loos, distrito balun ne'ebé nia dados loos ona karik bele adianta, tanba ne'e ho caráter emergência. Ho caráter emergência be ita-nia população sira agora daudauk ne'e hein hela de'it subsídio ida-ne'e, katak Governo promete hela de'it, keta halai filafali ba política tanba quando ita demora, tun bá base ne'ebá ne'e ema la'o ona ho política. Nune'e mak hussu ba V. Ex.^a Secretário de Estado haree to'ok ida-ne'e tanba diretor mak promete iha dia 22 até 25 tem que selu. Maibé, ikusmai iha dia 22 população sira bá hein iha-ne'ebá, sé mak sala fali chefe aldeia ho chefe suco sira.

Ida-ne'e mak hussu ba Secretário de Estado bele atu haree to'ok assunto ida-ne'e.

Segundo, liga ba questão segurança, liuliu kalan, agora daudaun ne'e kalan-kalan movimenta bá-mai hela, e balun la'o ho kro'at, halo população sira trauma, la toba. Tanba ne'e mak hussu ba Ministério Interior, se bele karik orienta Comando Geral atu haree, liuliu ba OPS (Oficiais da Polícia nos Sucos) sira ne'ebé iha suco ne'e, sira tem que ativa iha-ne'ebá, tanba ita-nia população sira dalaruma kalan boot mak manda mensagem mai hussu kona-ba sira-nia segurança. Balu aproveita

kalan tuda fali ema nia uma, liuliu iha município Ermera ne'e quase fulan ida população sira trauma ho situação ida-ne'e.

E foin semana kotuk liubá ne'e ema hotu soe *isu* dehan katak Ermera mak atu halo *demo*, então la tun mai, iha-ne'ebá ne'e kalan-kalan povo mak sofre ba situação sira hanessian ne'e, halo povo la toba tanba trauma. Tanba ne'e mak hussu ba parte segurança, liuliu PNTL, tem que tun ba suco sira para hatene tuir situação sira hanessian ne'e.

Ha'u hanoin mak ida-ne'e de'it.

Obrigado.

Sr. Presidente: – Obrigado, Sr. Deputado.

Antes ha'u continua ho inscrição ne'e, hakarak hato'o uluk bem-vindo ba Sr. Comissário CAC, nune'e mós Sr. Secretário de Estado da Comunicação Social.

Intervenção tuirmai: distinto Deputado António Verdial.

Sr. António Verdial de Sousa (KHUNTO): – Obrigado ba biban ne'ebé fó mai ha'u.

Sr. Presidente no componente Mesa mak atan ha'u respeito, Sr. Secretário de Estado, maluk distintas no distintos Deputados tomak iha recinto ida-ne'e, ne'ebé ohin marca presença, povo rona-na'in iha Timor laran tomak mak rona atan ha'u lian, alin jornalista sira mak ha'u hadomi.

Sr. Presidente, horissehik ita rona, ha'u haree iha média de'it, dehan katak VIII Governo ida-ne'e atu estende tan Estado de Emergência.

Iha fatin ida-ne'e duni, nu'udar representante povo hussi Partido KHUNTO, iha dia 27 de abril tinan 2020, atan ha'u haklaken buat lubuk ida-ne'ebé sei la lakon iha ha'u-nia memória, kakutak ida-ne'e. Iha momento ne'ebá ha'u ko'alia, la'ós ha'u rona fali hussi assessor ida ka ha'u rona hussi matenek-na'in ida, lae, atan ha'u hanessian Deputado ha'u hakerek ho liman liafuan hirak-ne'e, maibé na realidade Governo la rona no la executa tuir saida mak ha'u ko'alia.

Ha'u contente no haksolok tebes Governo iha objetivo ida dehan atu salvaguarda ita-nia população iha Timor-Leste, maibé atan ha'u hanessian Deputado iha mós direito ne'ebé consagra iha Regimento Parlamento Nacional atu defende povo nia halerik ne'ebé atan ha'u rassik hassoru iha áreas remotas no extremamente remotas.

Tuirmai, atan ha'u haklaken: ha'u atu hatete dehan hanessian ne'e, iha momento fulan ida-rua ba kotuk ne'e populacoo sente haksolok tanba Governo iha objetivo di'ak atu assegura sira-nia sade, maibe ha'u atu hatete katak Governo ms tem que tau matan ba populacoo ne'ebe agora daudaun ne'e hamlaha. Sira hamlaha! Ha'u foti exemplo hanessian ne'e, iha domingo ha'u foti ain hussi rai Dli ba iha fronteira, bainhira ha'u filafali mai iha fatin hirak-ne'ebe mak sira fa'an modo ka fa'an hahn ha'u haree sira loke filafali hotu ona. Ha'u hussu tanba sa mak imi sei loke maski ita-nia Governo sei mantm hela ho Estado de Emergncia? Sira hatete saida mai ha'u? «Ap, ami la loke be ami-nia oan sira atu ba de'it escola ms ossan la iha ona, ami atu sossa de'it mina iha uma laran ms ossan la iha ona. Ne'ebe, ami ms hein hela ba promessa ne'ebe mak Governo dehan katak atu lori ossan \$100 mai, to'o ohin loron \$100 ne'e seidauk to'o mai ne'e.» Ne'ebe favor boot ida, hanessian representante povo ne'ebe mai hussi instrumento poltico partido KHUNTO, atu fo hanoin ba Governo, favor ida, acelera! Hakarak fo, fo lailais ona, labele ohin ko'alia dehan aban, bainrua, baintolu, maibe na realidade povo hein hela ho esperana ida ne'ebe mamuk, iha fatin ne'ebe extremamente remota iha territrio ne'e nia laran.

Hanessian Deputado, Sr. Presidente, ha'u atu fo hatene, favor boot ida ita hirak ne'ebe iha Uma-Fukun, Parlamento ne'e labele tuur de'it iha-ne'e hodi hakilar, hakilar, hakilar, maibe na realidade ha'u seidauk haree Deputado ida mak hakat tun ba iha rea ne'ebe hanaran extremamente remota. Ha'u brani ko'alia tanba ha'u tun beibeik ba iha ne'eba, mesmo dalaruma ha'u la ba hamutuk ho ha'u-nia colega Deputado sira. Maibe ha'u hatuur ha'u-nia an hanessian representante povo ne'ebe compartilha ha'u-nia direito tomak ne'ebe defende iha palco poltico katak ha'u sei sai representante do povo ida ka sai fiscalizador ida ne'ebe pertinente, adequado no di'ak ba povo Timor-Leste. Quando ha'u tun ba base, ha'u la ba haree ida-ne'e cor partido KHUNTO nian, ida-ne'e cor partido PLP nian, ida-ne'e cor partido FRETILIN nian, lae! Ha'u tun ba base, ha'u haree povo Timor-Leste ne'e, ha'u hatuur ha'u-nia an hanessian representante povo.

Excelncia Presidente, favor boot ida, atu estende tan Estado de Emergncia ne'e, ha'u hussu favor boot ida, Ita-Boot hanessian chefe ba legislatura ida-ne'e hussu ba Governo atu marca presena iha fatin ida-ne'e hodi explica didi'ak mai Deputado sira atu nune'e Deputado sira bele tatoli fila hikas ba sira kona-ba saida mak objetivo fundamento Governo estende Estado de Emergncia ida-ne'e? Ida-ne'e importante tebes atu nune'e ita bele simu sira-nia halerik no iha bele hatutan Governo nia objetivo ba povo ida-ne'e.

Ida-ne'e de'it. Muito obrigado, Sr. Presidente.

Sr. **Presidente**:— Obrigado, Sr. Deputado.

Antes de ha'u continua ho inscrição ne'e, ha'u atu hato'o informação katak ohin duni 11h 00, iha reunião Conselho de Estado atu decide kona-ba estende ou la estende Estado de Emergência. Eventualmente, aban ne'e sei iha plenária extraordinária tanba ne'e orsida lokraik ha'u atu convoca conferência líderes bancadas atu decide plenária extraordinária ida ba aban. Hanessan baibain, desde início estabelece Estado de Emergência ho nia extensão ne'e sempre ho presença Governo nian. Então, iha plenária extraordinária ne'e Governo sei marca presença iha Parlamento no sira sei mai hato'o relatório no sei halo justificação se Governo hakarak halo extensão, antes de Deputado sira hola decisão ba estende ou la estende e sira bele mós partilha informações hotu-hotu mak durante ne'e Governo executa no sira rassik mak halo acompanhamento. Claro que agora ne'e sira tem que halo avaliação ida, nune'e sira tem que apresenta sira-nia justificação iha-ne'e baseia ba avaliação sira ne'ebé mak sira halo. Eventualmente aban, orsida ita hein Governo nia posição no sira-nia justificação kona-ba pedido de extensão.

Continua ho intervenções diversas, iha inscrição: distinto Deputado Bianco.

Sr. **Antoninho Bianco** (FRETILIN): — Bom dia, Sr. Presidente, Vice-Presidente, Secretária, representante do Governo no colega Deputado sira hotu.

Primeiro, agradece ba Maromak tanba ita bele moris hela, liuliu atu hatutan processo ne'e hodi atende povo, liga ba atendimento ba povo ne'e ha'u hakarak cita de'it katak Estado de emergência ne'e normalmente lei ne'e mós emergência hotu ba fulan-fulan. Então, ossan ida Covid-19 ne'e mós emergência fulan-fulan tem que executa. Caso agora ne'e tanba sá maka Estado de Emergência ne'e tem que 30 dias de'it, agora orçamento ne'e nia execução ne'e maka problema. Então ossan sira ne'e la executa, sala ne'e keta Ministério das Finanças karik, tanba labele hakru'uk, ba Regime Geral. Se Ministério das Finanças maka obriga ema tem que liu fali Regime Geral aplica ba Estado de Emergência ne'e erro boot.

Ha'u hanoin Primeiro-Ministro tem que orienta Ministra Finanças katak regra execução orçamento Covid ne'e tem que regra especial ho emergência. Caráter Estado de Emergência fulan ida, 30 dias, então ossan 30 dias ne'e tem que executa duni ho regra ne'ebé que regra de emergência.

Agora, tanba sá maka povo hakilar? Ha'u hanoin governante sira, liuliu Ministério das Finanças, labele hakru'uk de'it ba regras gerais, tem que regras especiais que liga duni lei que estabelece Estado de Emergência. Agora, ita tem que prolonga fali tanba situação execução orçamento e situação de perigo.

Agora, ha'u hussu dala ida tan, no ha'u sei ko'alia beibeik iha Plenário, quando execução ne'e la la'ós tanba ministério sira seluk-seluk, nia causa ne'e tanba regras. Normalmente execução orçamento ne'e nia regras liga ona ba Ministério das Finanças. Ministério das Finanças tem que estabelece regra ida ne'ebé especial, decreto-lei ida para execução ne'e bele lailais.

Ne'e mak ita dehan polícia sira halo nu'ussá? Então, ossan ne'e la bá ne'e? Labele usa aplicação orçamento ne'e ba regra geral. Ita haree sira-nia carreta la iha, carreta manutenção la iha, ossan la sai, hanessan hotu pessoas sira ne'ebé mak iha linha frente sira-ne'e, sorte be ema sira-ne'e nia sentimento pertence ba povo nia sofrimento, ba Rain ne'e, ne'ebe, halo uluk serviço ho buat ne'ebé iha.

Agora, ita tem que buka resolve, sai na'i-ulun, liuliu ministério sira ne'ebé mak kaer conta ossan nian ne'e, tem que hatene beibeik. Agora, sai Presidente kona-ba orçamento Covid nian, ne'ebé tem que haree buat ne'e didi'ak, selae ita bele estende maibé ossan la executa. Agora ossan la executa então ne'e halo nu'ussá? Ita atu resolve problema ka lae? Ha'u hussu favor, horissehik ha'u foti ona agora ha'u foti nafatin, tem que iha semana ne'e nia laran bele estabelece regra ne'e, para nune'e buat ruma karik, hanessan manutenção carreta, ossan Covid ne'e bele lailais. Para polícia ka F-FDTL ou instituição sira ne'ebé mak carreta nia condição la di'ak hela ne'e, agora iha oficina sira-ne'e tanba ossan. Se bele sossa carreta, tanba sá mak labele? Tanba atu atende necessidade povo ne'e nian sira circula. Ha'u hetan informação katak sira balun bá ne'ebé de'it carreta ida hotu-hotu, *Task Force* barabarak maibé carreta ida de'it. No balu mós aat ona. Agora ida-ne'e ladún di'ak, ne'ebe ossan ne'ebé que atribui tem que usa, usa atu sai di'ak tem que iha regras, regras especiais Ministério das Finanças tem que estabelece. Ne'ebe lalika hein kleur ida, bele ohin ka bainrua decreto atu estabelece ida-ne'e pode ser... Selae fulan tolu bele hotu, ossan bele la executa. Sira ne'ebé que la executa hassai tiha para tau fali iha fatin ne'ebé que bele executa nian. Maibé regras ne'e tem que estabelece didi'ak bá. Ha'u hanoin buat simples ida, ne'ebé ministro sira ne'ebé que toma conta ba ida-ne'e fó hanoin ba Primeiro-Ministro e Primeiro-Ministro bele orienta ministro sira-ne'e para halo regras ne'e, ha'u mós acompanha katak regras mak dificulta execução orçamento ne'e rassik.

Obrigado.

Sr. Presidente:— Obrigado, Sr. Deputado.

Tuirmai, intervenção hussi distinta deputada Helena Martins.

Sr.^a **Helena Martins Belo** (FRETILIN): — Obrigado ba tempo.

Bom dia ba Presidente, ba Vice na'in-rua, ha'u hato'o mós ha'u-nia parabéns ba Ita-Boot sira nia eleição ne'ebé ita hala'o iha tempo ne'ebé saida maibé ita consegue.... Ne'ebe, dala ida tan ha'u hakarak fó nafatin coragem ba Vice ne'ebé feto ida, ne'ebé iha situação difícil maibé consegue ita tau fali Parlamento iha nia funcionamento normal, ne'ebe ha'u-nia parabéns.

Ba colegas Deputados, audiência, média ne'ebé mak marca presença iha-ne'e, dadeer kmanek ba ita hotu.

Ha'u iha-ne'e, ha'u hakarak foti questão kona-ba incêndio, acidente ne'ebé mossu iha mercado Taibessi ne'ebé resulta ita-nia feto maluk ida tem que sai vítima. Oinsá mak atu halo coordenação de trabalho entre gestão do mercado no segurança PNTL. Oinsá atu haforça, liuliu iha Díli, quase bairro hotu-hotu kalan-kalan sempre iha acidente ki'ikoan ne'ebé acontece, hanessan tuda malu, halo barulho... Horikalan acontece tan hana malu. Ne'ebe oinsá mak atu linha de coordenação ida-ne'e la'o ho di'ak, liuliu ba iha segurança. Ha'u secunda mós tan ami-nia camarada Bianco ninian atu haforça sira-nia meios de transporte atu nune'e bele halo serviço ho eficaz liu, tanba quando ami telefone sira-nia lamentações maka condições de transporte ne'ebé atu ajuda sira hodi to'o lalais iha fatin. Ida-ne'e mak bele assegura ho lalais. Se lae, ita hussik fali grupo ka ema ida-rua halo fali buat sira-ne'e runguranga e halo povo mós pânico no trauma fali iha situação ida-ne'e.

Parabéns mós ba povo ne'ebé matenek la halimar hodi contribui ba estabilidade mesmo que ita iha-ne'e maka hemu tua lanu karik, ita na'in hira ne'e mak lanu maibé la to'o ba sira, no sira la lanu ida, ne'ebe parabéns. Ne'ebe, ita hein nafatin katak Ministério do Interior halo coordenação de trabalho ho Polícia sira atu assegura nafatin ida-ne'e. Tuirmai, ha'u hakarak atu ko'alia mós kona-ba orçamento ne'ebé alocado. Ohin dadeer-saan quando ha'u acompanha hela *berita*, Sr. Diretora sei promete tan fali katak fim de mês ida-ne'e ou início de fulan junho e hatete katak ossan 15 milhões de'it, e ossan precisa 60 milhões. Maibé, ohin mós depois ossan iha ona, fukun iha ne'ebé mak halo pagamento ida-ne'e kleur tebes quase fulan rua? Ne'ebé oinsá, selae orsida buat ki'ikoan sira-ne'e mak *pengaruh* fali ita-nia jovem sira, ida-rua, dehan katak hamlaha ona, precisa tebes ona, tanba ida-ne'e mak recupera lalais tiha kedas para se iha tan sira-nia exigência ruma oinsá mak Estado bele acomoda.

Kona-ba atu halo renovação ba Estado de Emergência, tanba ita haree mós ba risco ne'ebé agora daudaun iha ita-nia nação vizinha, Indonésia, loron-loron ninia número ne'e sa'e hela e iha ne'ebá mós registo ona ema mate, tanba ne'e mak oinsá ita bele estabelece regra ne'e. Ita hein katak hanessan ohin Presidente hatete ona katak aban, possivelmente, atu halo plenária extraordinária

karik ita bele ko'alia *langsung* ho sira para oinsá mós público bele acompanha hodi bele comprende kona-ba estende situação Estado de Emergência ida-ne'e ba oin.

Mais ou menos ida-ne'e mak ha'u hakarak atu contribui.

Obrigado.

Sr. Presidente:— Obrigado, Sr.^a Deputada.

Tuirmai: Sr.^a Deputada Olinda Guterres. Iha-ne'e iha ponto de ordem ho inscrição ba intervenção, ne'ebé distinta Deputada dala ida de'it ona.

Sr.^a Olinda Guterres (KHUNTO):— Obrigado, Sr. Presidente.

Ba colegas tomak ohin ha'u hato'o uluk ona ha'u nia bom dia ba Ita-Boot sira no mós la haluha ba Sr. Comissário CAC ho ninia comitiva sira.

Ohin, ha'u halo ponto de ordem tanba iha ita-nia Período de Antes da Ordem do Dia ita hala'o, maibé iha Período da Ordem do Dia iha-ne'e iha ponto um, dois ita *tunda-tunda*. Portanto, se bele karik ita-nia maluk ka bainaka Comissário CAC bele filafali lai. Ne'e mak ha'u-nia ponto de ordem ohin, Sr. Presidente.

Agora, ha'u tama ba intervenção.

Sr. Presidente, horikalan ema hana maluk ida, kona iha nia kabun ne'e. Horikalan labarik sira loke *Facebook* ha'u haree, tanba saida mak situação ne'e agora mossu tan fali hanessian ne'e? Ita hussu to'ok ba iha ita-nia polícia sira, maibé polícia sira mós ita labele tau todan liu ba sira, para atu buka tuir tanba transporte, hanessian colega na'in-rua ohin ko'alia. Polícia sira mós ita labele tau todan ba sira ka culpa ba sira, tanba sira mós transporte la iha, hanessian iha fulan hirak liubá kotuk, ha'u hato'o iha-ne'e dala hira ona katak iha Cristo Rei ninian ne'e, quando problema ruma mossu iha Hera ne'ebá sira dalaruma empresta fali ema ka povo baibain nia motor mak hodi ba halo atuação iha-ne'ebá. Ne'ebe ha'u hanoin Polícia sira-ne'e precisamente fó carreta ba sira para sira hodi hala'o sira-nia serviço messak.

Ida tan fali, povo halerik nafatin, continua nafatin ida-ne'ebé ossan 100 dólares cada família ida-ne'e. Hussu ba Governo nia fukun ne'e iha ne'ebé? Buka tuir to'ok, fukun ne'e iha ne'ebé mak to'o agora ossan 250 milhões ne'ebé mak aprova liuhossi Parlamento ida-ne'e to'o agora seidauk bele to'o iha povo nia liman. Povo halerik tebetebes. Ita mai tuur iha ne'e ko'alia funan-funan no

renda-renda to'o ema gaba ita, to'o ema dehan katak Sr. Deputado sira ko'alia duni ita-nia direito, maibé Governo la executa ne'e halo nu'ussá? Ema barak tebetebes agora hakarak buka hatene, ossan nia fukun ne'e iha ne'ebé? Buka tuir to'ok, iha fatin ida-ne'ebé? Ha'u mós rona informação dehan katak dados ne'ebé hatama ba katak ita-nia população iha 1 milhão ressin maibé tama fali 4 milhões ressin. Ida-ne'e dados ne'e mak sala, mas buat ne'e loos ka lae? Buka tuir to'ok buat sira-ne'e tanba ossan povo hein hela ne'e tem que to'o lailais ba sira-nia liman. Estudante sira iha li'ur mós kalan-kalan hussu hela de'it, la hatene ha'u-nia número telefone sé mak fó ba sira ha'u la hatene, telefone mai nabanaban hela de'it: «amá, favor ida, ami iha ne'e aat hotu ona, ami hola buat ida mós la kotu, liuliu ami iha Austrália ne'e sassán karun». Mas ema sira ne'ebé ko'alia mós ha'u nem conhece ema sira ne'e, ha'u-nia número telefone bele to'o iha ne'ebá. Ne'ebe, oportunidade ida-ne'e ha'u hakarak hato'o tan ba Sr. Presidente atu bele encaminha ba Sr. Secretário de Estado iha-ne'e, hussi Governo, bele hato'o ba ministério competente oinsá mak ossan ida-ne'e bele sai lailais ba ita-nia povo atu nune'e sira bele... Liafuan ida-ne'ebé «lailais», «lailais», liafuan ida-ne'ebé mai ita dehan katak liafuan mamuk mak ita Deputado sira ko'alia, ami Deputado sira hato'o ba Ita-Boot sira atu labele iha.

Mais ou menos ida-ne'e de'it mak ha'u hato'o, Sr. Presidente. Obrigado barak.

Sr. Presidente:— Obrigado, Sr.^a Deputada.

Ita marca horas ba Sr. Comissário CAC ne'e 10h00, ho hanoin ida 9h00 pontual ita hahú Plenária. Ohin, ita atrasa tiha, maibé Comissário CAC agora iha ne'e ona. Nune'e, atu facilita tempo ne'e para mais eficiente, agora ha'u taka inscrição. Ita sei iha Deputado na'in-lima atu intervém iha Período Antes da Ordem do Dia. Ida-ne'e ne'e hotu tiha, na'in-lima ne'e hotu tiha ita convida kedas Comissário CAC mai apresenta relatório.

Ha'u fiar katak sei iha discussão naruk, então di'ak liu ita encurta ita-nia sessão plenária, sessão Período Antes Ordem do Dia ne'e para bele fó fatin ba apresentação e discussão ba relatório CAC nian.

Continua lai atu halo hotu inscrição ne'e. Distinto Deputado Silvino Morais.

Sr. Silvino Adolfo Morais (FRETILIN): — Obrigado ba oportunidade.

Bom dia ba Sr. Presidente, composição Mesa, Sr. Secretário de Estado, colegas Deputados.

Estado de Emergência atu estende tan. Apoio subsídio seidak book an. Segurança... rama Ambon la' o nafatin. OPS iha foho quinta, sexta no sábado bá uma. Situação ida-ne'e mak agora acontece daudauk iha ita-nia rain. Ohin, colegas Deputados barak ko' alia kona-ba tanba saida mak la selu, tanba saida mak Estado de Emergência estende? Ohin, Deputado Bianco mós dehan katak causa ne'e mós keta iha regra karik. Ba ha'u, causa ne'e la'ós iha regra, regra ne'e di'ak hela, implementador. Implementador sira, liuliu membro do Governo ne'ebé implementa, ne'e mak dala ruma, hanessian *bahasa* karik dehan *ada apa di balik itu?* Tanba ida-ne'e, tuir ha'u-nia hanoin, Estado de Emergência, foin de'it horissehik rona katak Concelho Ministro aprova tiha, começa informação ne'e mai fali ona, comunidade sira começa sente katak ami kala la book an fali ona, ami tempo atu book an agora começa atu taka fali ami-nia dalan ona. Durante ne'e, ohin dadeersaan de'it ami nia bairro, comunidade sira mai hussu ha'u, bainhira? Bainhira loos mak atu selu ami? Maibé ha'u dehan ba sira katak ita calma, ha'u sente katak tuir informação dados ne'e la loos, Governo sei hadi'a dados, hanessian horissehik Secretário de Estado dehan katak sira sei halo *cross check* dados, ne'e mak agora ita hein de'it, iha tempo badak Governo sei implementa ida-ne'e. Maibé ita haree katak situação ida-ne'ebé agora iha ne'e, ema mós barak halo *Tik Tok*, ema balu tanis dehan katak ba hein iha *kantor desa*, ossan 100 dolar mós la mai tan. Tanba ne'e ha'u hanoin oinsá ita bele haree situação ida-ne'e halo didi'ak, liuliu Governo. Ha'u hanoin hanessian horissehik membro Governo balu começa bá hassoru ona Sr. Primeiro-Ministro para bele hassees an, ha'u hanoin ida-ne'e di'ak liu, tanba keta karik causa ne'e iha implementador, então pronto bele resolve lailais karik.

Tuirmai, hanessian situação iha Díli laran, ita-nia Estado de Direito democrático ne'ebé se ita halai fali ba estado de sítio atu la la' o iha Díli laran ha'u hanoin ladún di'ak. Ne'ebe, hussu liuliu ba comando geral PNTL atu bele controla di'ak liután, liuliu áreas ne'ebé mak identifica katak área ne'e perigo tebetebes, atu ema bele halo circulação iha ne'ebá, di'ak liu halo controlo. Se bele, labele controla de'it, tau kedas posto permanente iha ne'ebá para atu bele fácil deteta ema balu ne'ebé mak atu halo atuação crime iha fatin ne'ebá.

Ha'u hanoin por enquanto mak ne'e de'it.

Obrigado.

Sr. **Presidente**:— Obrigado, Sr. Deputado.

Tuirmai: distinta Deputada Maria Angélica.

Sr.^a **Maria Angélica Rangel da Cruz dos Reis** (FRETILIN):— Muito obrigada, Sr. Presidente.

Vice-Presidentes, Secretária Mesa, colega Deputado sira hotu.

Ita ko'alia kona-ba ossan ne'ebé mak Governo seidauk selu, subsídio ba ita-nia uma kain sira, seidauk selu mós subsídio ba ita-nia estudantes não-bolseiros ne'ebé iha rai-li'ur. Preocupante tebes, tanba loron-kalan ita simu telefonema, ita haree iha media social, ema hotu-hotu halo crítica ba ato ida-ne'e tanba ita ko'alia dehan atu selu aban mas realidade até à data seidauk selu. Maibé, Sr. Deputado sira, ita mós labele haluha katak quando ita aprova Lei número 2/2020, 6 de abril, atu halo autorização para realização de transferência extraordinária do Fundo Petrolífero, iha ne'ebá, iha artigo ida ita kessi Governo, ita kessi Primeiro-Ministro em si, ita kessi hodi labele halo execução. Iha ne'ebá iha artigo 5.º, Fundo Covid-19, iha artigo 4.º, alínea 4 ne'e dehan nune'e, «O Conselho de Gestão do Fundo é composto pelo membro do Governo responsável pela área das finanças, que preside, pelo membro do Governo responsável pela área da saúde e pelo membro do Governo responsável pela área dos negócios estrangeiros». Ha'u hakarak hussu ba ita tomak iha ne'e, ko'alia momoos ho loloos de'it, tanba artigo ida-ne'e kessi Primeiro-Ministro em si, kessi Governo atu labele halo execução ba necessidade sira ne'ebé mak ita-nia moras ne'e hassoru, ita-nia povo hassoru iha situação ida-ne'e. Tanba ne'e, ha'u hanoin katak Governo tem que decreta Decreto Governo ruma ne'ebé mak loos atu nune'e bele halo implementação. Tanba sá? Tanba iha 2020 orçamento chumba, ita implementa de'it duodecimal hussi 1.4 orçamento do ano anterior nian, 2019 nian. Tanba ne'e, ita labele halo execução ida atu selu lailais saida mak ita promete ba povo ho moras ida-ne'ebé mak ita hassoru daudauk iha ita-nia rain no iha Mundo tomak. Ha'u hakarak dehan nune'e, ita aprova 250 milhões, 100 milhões ne'e atu recupera filafali caixa tesouro ne'ebé mak ita foti tanba ita-nia orçamento la iha hussi orçamento duodecimal. Se orçamento duodecimal hussi 1.4, hussi 1/12, ne'e significa katak cada fulan Governo no seu todo halo execução 116 milhões de dólares. Ida-ne'e ita tau ketak, maibé 250 ne'ebé mak ita aprova halo transferência extraordinária hussi Fundo Petróleo, hanessian ohin camarada Bianco ko'alia, ita tem que tau regra ida extraordinária atu nune'e bele halo implementação tanba ida-ne'e ita hassoru moras ida que afeta ba mundo tomak. Mas ha'u hakarak dehan nune'e: iha artigo ida-ne'e ami Comissão C mós haree quando ami halo redação final, e Ministra Finanças, Dr.^a Sara Lobo Brites, mai ko'alia iha Plenária dehan katak ida-ne'e ami concorda tanba ami hodi bele halo implementação lailais. Mas to'o mai ami-nia Comissão halo redação final, Sr.^a Ministra dehan katak ida-ne'e kessi ami. Ami-nia Comissão, tuir Regimento Parlamento Nacional, labele muda pensamento do Legislador sira e labele muda *titik* ida *koma* ida. Tanba ne'e mak nia fukun mak ida-ne'e. Ita hussu nia fukun saida? Nia fukun mak ida-ne'e, artigo ida-ne'e kessi ita, kessi Governo em si para labele halo execução, depois ita dehan katak aban selu, fulan oin selu, bainrua selu, maibé regras ne'e ita kessi

malu. Ida-ne'e mak ita hakarak hussu, relaciona... Ha'u foti ida-ne'e tanba saida? Relaciona ho decisão ne'ebé mak sai horissehik iha media social katak: 1— Ministro Dionísio Babo, ne'ebé tama mós iha Concelho ida-ne'e, resigna an; 2— Sr.^a Ministra Saúde ne'ebé mak exonera tiha ona ; no 3— Agora, só hela de'it Sr.^a Ministra das Finanças mak iha ne'ebá. Hussu ba Sr.^a Ministra das Finanças atu explica ba público dehan katak regras ne'e kessi duni ka lae? Tanba regras ne'e ita mak aprova iha Parlamento Nacional, agora ita hussu fukun ne'e iha ne'ebé? Fukun ne'e mak kessi iha-ne'e. Tanba o gestor do fundo 250, ne'ebé mak halo levantamento extraordinário hussi Fundo Petróleo ne'e gestor ema na'in-tolu, Ministra Sara, Ministro Dionísio ho Ministra Élia. Agora, na'in-rua sai tiha ona no hela ida. Regra saida mak sira atu halo? E ita haree realidade iha base, ema sira atu simu ossan hussi Fundo Covid-19, hanessan ita-nia Policia, Saúde, Segurança, ema sira serviço iha eletricidade, serviço iha bee moos (SAS), sira desanima tanba de'it uluk ita mai ko'alia iha-ne'e dehan katak cada lora ida, por exemplo, selu 25, 50, mas na verdade decreto ne'e ko'alia fali oin-seluk. Decreto Governo nian ko'alia oin seluk dehan katak selu oin-seluk fali. Tanba ne'e ita bele haree, Sr. Deputado sira, ita bá foho, ita mai cada posto, posto hirak-ne'ebé iha linha, Polícia sira ne'ebé iha *tanda* segurança iha ne'ebá mas sira la iha, tanba ema desanima, saúde sira lakohi serviço, ema sira iha *front line* ne'e tanba desanima ho ita-nia mensagem dehan katak lora ida 40, lora ida 50, lora ida 80, e até ita rassik iha ne'e dala ruma ita ko'alia dehan katak ha'u bele fó ha'u-nia vencimento bá! Mas realidade orçamento ne'ebé mak ita aprova hussi levantamento Fundo Petrolífero ne'e kessi hela Governo para labele halo execução. Tanba ne'e, ita labele duun malu, ita rassik aprova iha ne'e. Ha'u la dehan Governo sala, ha'u la dehan Parlamento sala, maibé solução oinsá? Ida-ne'e tem que hadi'a ho membro Governo foun sira ne'ebé indigita filafali hussi Primeiro-Ministro. Tanba ida-ne'e kessi. Se ita hakarak tau extraordinariamente ba execução ida-ne'e, ida-ne'e ita tem que altera, se ita la altera Governo sei la'o nafatin hanessan ne'e e sei la selu ema. Agora, liga filafali ba iha... Ita selu ita-nia oan sira, horibainhira Governo ne'e selu ita-nia uma-kain 100 dólares, mas ha'u la hatene 100 dólares ne'e realiza ka lae? Natoon, ministro mai dehan katak...

Sr. Presidente em exercício (Luís Roberto da Silva):— Sr.^a Deputada, haree ba tempo.

Sr.^a Maria Angélica Rangel da Cruz dos Reis (FRETILIN):— Atu conclui, Sr. Presidente.

Ministro dehan katak atu selu ita-nia oan sira escola, estudantes não-bolseiros, cada fulan 150 dólares de'it hussi 150 milhões ba Covid ne'e, ita hassai tiha 94 milhões atu selu uma-kain ba fulan tolu nia laran hela de'it 55.8 milhões, ita hassai tan 150 ba aluno não bolseiro sira hira? Ossan

la iha, Sr. Deputado sira, tanba ne'e mak ita lalika ko'alia, ko'alia fukun ita mak halo tanba lei ne'e kessi ita.

Muito obrigada, Sr. Presidente.

Sr. Presidente em Exercício (Luís Roberto da Silva): — Obrigado, Sr.^a Deputada.

Intervenção tuirmai hussi Sr. Deputado Alexandrino Cardoso. Halo favor.

Sr. Alexandrino Cardoso da Cruz (FRETILIN): — Obrigado ba tempo.

Bom dia ba Sr. Presidente em exercício, ba Srs. Vice no Sr.^{as} Secretárias da Mesa, ba Colega Deputado sira no ba Excelência Secretário de Estado.

Iha biban ida-ne'e, ha'u iha ponto rua de'it.

Ida liga ho estado de emergência ne'ebé que implementa fulan rua ona e atu estende tan ba fulan tolu, ne'ebé ita haree Governo hakarak fó subsídio ba estudante sira. Iha-ne'e ha'u hakarak hussu clarificação ba Sr. Secretário de Estado kona-ba direito de subsídio ba estudante sira, tanba estudante sira-ne'e iha categoria rua: estudante sira iha estrangeiro no estudante sira iha rai-laran, iha capital Díli, ne'ebé mak estudantes barak mai hussi município, sira escola iha Díli, maibé sira hela iha *kos*. Tanba estado de emergência sira feriado fulan rua, atu tama fulan tolu ona, maibé ha'u la hatene sira-ne'e iha direito hanessian mós estudante sira iha rai-li'ur ka lae, kona-ba subsídio ne'e?

Tanba agora estudante barak mak exige, tanba sira mai iha Díli mós sira hela iha *kos*. *Kos* no mínimo sira selu cada fulan ne'e 35 dólares, então fulan hira nia laran ne'e karik sira la iha direito ida-ne'e oinsá? Tanba *ibu kos* ka *bapak kos* exige nafatin sira selu *kos* ne'e fulan-fulan, direito sira-nia iha ka lae? Ne'e primeiro.

Segundo, atu continua nafatin ho exigência liga ho inundação ne'ebé estraga sassán barak e natar sira, liuliu iha ha'u-nia Município, Oebaba 3. Ita haree iha imagem ita lamenta tebetebes haree situação no condição natar-na'in sira, sira-nia hare ko'a hotu ona bou iha natar laran, maibé la consegue lori ba uma, e mota mai estraga hotu. Liga fali ho estado de emergência, sira preocupa tanba hein subsídio ne'e hein be hein mós to'o ohin loron seidauk realiza, ne'ebe ohin Deputado barak questiona kona-ba ida-ne'e e ha'u mós exige nafatin para Governo tem que ser acelera lailais apoio ne'e, subsídio ida-ne'e ba iha ita-nia povo kbiit-laek sira.

Obrigado.

Sr. **Presidente em Exercício** (Luís Roberto da Silva): — Obrigado, Sr. Deputado.

Tuirmai: Sr.^a Deputada Lídia Martins. Halo favor.

Sr.^a **Lídia Norberta dos Santos Martins** (FRETILIN): — Bom dia ba Sr. Presidente em Exercício, ba Sr.^a Vice-Presidente, ba Sr.^a Vice-Secretária, ba colega Deputado sira no ba equipa hussi Comissão Anti-Corrupção ne'ebé mak marca presença iha-ne'e no mós ba maluk rona-na'in sira.

Iha dadeer kmanek ida-ne'e ha'u atu foti assunto ida de'it, continua liga nafatin ba preocupação ne'ebé colega Deputado sira ohin foti relaciona ho subsídio 100 dólares no subsídio sira seluk tan, liuliu kona-ba execução. Ita haree ba execução hussi fundo Covid ne'e, ita haree katak horissehik iha segunda-feira iha reunião ne'ebé mak Conselho do Fundo de Gestão halo, dadeer-saan Sr. Ministro dos Negócios Estrangeiros ba hassoru Sr. Primeiro-Ministro dehan katak resigna, maibé iha loraik continua lidera nafatin reunião, maibé ha'u-nia preocupação la'ós mak ida-ne'e, preocupação relaciona ho oinsá mak atu executa ossan ida-ne'e. Baseia ba informação ne'ebé mak horissehik mai hetan katak agora daudaun sei executa orçamento fundo Covid ne'e ba instituição 5 de'it, mak: Gabinete Primeiro-Ministro; Ministério da Saúde; Ministério do Interior, neste caso PNTL; Ministério da Defesa, F-FDTL; ho tan Conselho Centro Logística Nacional.

Ha'u-nia preocupação mak ne'e, ohin colegas Deputados barak hussu, balu ko'alia kona-ba 100 dólares ne'e, subsídio, e balu fali ko'alia kona-ba subsídio pagamento ba ita-nia funcionário sira hussi EDTL. Se haree ba lista ne'ebé mak horissehik atualiza katak ne'e ba Ministério 5 de'it, ha'u-nia preocupação mak ne'e: oinsá serviço Ministério sira seluk atu nune'e bele facilita dados ne'e ba Ministério das Finanças hodi nune'e bele selu lailais ita-nia maluk sira seluk ne'ebé mak ohin ita temi tanba agora daudaun hussi lista ne'ebé mak iha afinal maluk sira hussi EDTL mós sei la simu tanba la iha lista. Ne'e primeiro. Então sá esforço mak halo?

Segundo fali, kona-ba 100 dólares. 100 dólares ninia problema Ministério da Solidariedade Social antes de atu submete dados ne'e, nia tem que iha coordenação ho Ministério da Administração Estatal. Ha'u-nia pergunta mak ne'e ba Sr. Secretário de Estado ne'ebé mak marca presença iha-ne'e: sá coordenação mak Ministério rua ne'e halo ona hodi nune'e bele buka ka facilita solução ba ida-ne'e? Tanba ita haree 100 dólares ninia problema ne'e mak ida-ne'e, falta de coordenação entre instituição rua, Ministério rua ne'e la coordena malu acaba por ida seluk boicota fali ida seluk nia serviço. Ne'e ita haree ho *pikiran* ida *kasar* karik ida-ne'e mak acontece.

Então sá ação mak Ministério da Administração Estatal halo relaciona ho lista ida-ne'e, liuliu coordena ho nível município sira, posto sira, sucos sira, hodi coordena ida-ne'e? E além de ida-ne'e ami mós sugere ba Governo, wainhira ha'u participa hanessian Presidente Grupo das Mulheres Parlamentares iha sorumutu ida-ne'ebé halo iha programa *Café Dadeer* iha TVTL, iha mós maluk sociedade civil sira ne'ebé fó sugestão balu ne'ebé buka mós atu hanu'ussá mak esclarece ka facilita didi'ak dados ne'e hodi nune'e Governo bele executa serviço ne'ebé mak iha, fó duni atendimento di'ak ba população iha tempo ida-ne'ebé mak agora daudauk ema precisa. Ne'ebe, ha'u-nia hanoin sugestão ba parte Governo mak se bele Ita-Boot sira mós serviço ho maluk sira ne'ebé durante ne'e sira mós serviço iha área ida-ne'e para nune'e Ita-Boot sira-nia dificuldade ne'e bele ki'ik uitoan e 100 dólares ne'e, hanessian ohin Deputado balu usa, labele politizado, ema labele politiza, politiza acaba por cria fali instabilidade ba ita-nia rain.

Hanessian uluk quando ita estende estado de emergência ne'e ba dala rua, ha'u iha-ne'e rassik ha'u dehan, ba saúde importante, mas ba economia mós importante, ha'u hakarak rua ne'e la'o hotu, ha'u lakohi ba tiha saúde ema mate fali ha'u lakohi, depois ema ne'e mate tanba hamlaha mas depois problema saúde mossu fali nafatin mós labele, então buat rua ne'e importante hotu. Se bele karik haree. Ninia solução mak ne'e: tem que iha coordenação entre interministerial, então orsida ha'u sei hakarak rona mós hussi parte Governo sá coordenação interministerial mak Administração Estatal halo ho Ministério da Solidariedade Social hodi nune'e bele acelera lailais processo pagamento 100 dólares.

Mak ne'e de'it.

Obrigada, Sr. Presidente em Exercício.

Sr. Presidente em Exercício (Luís Roberto da Silva): — Obrigado, Sr.^a Deputada.

Última intervenção hussi Deputada Gabriela Alves. Halo favor.

Sr.^a **Gabriela Alves** (FRETILIN): — Obrigado, Sr. Presidente em Exercício.

Bom dia ba Sr. Presidente, ba caros colegas Deputados, ba membros da Mesa, ba povo doben Timor-Leste no ba Excelência Secretário de Estado.

Molok atu hahú ba dala uluk ha'u-nia parabéns ba Sr. Primeiro-Ministro no membros do Governo tomak no equipa Gestão de Crise ne'ebé consegue luta ho esforço tomak hodi bele impede

peste aat ida-ne'e la tama iha Timor no sira consegue halo análise kle'an oinsá atu peste ne'e sei labele tama iha Timor, ne'ebe ha'u-nia parabéns no ha'u-nia congratulação boot ba membro do Governo sira no equipa Gestão de Crise.

Tuirmai, ha'u secunda intervenção ha'u-nia Chefe Bancada Camarada Bianco nian ho Deputada Nina Rangel nian kona-ba usa ossan ba gestão crise nian tanba iha ministério balu foin executa 1 ka 2% tanba duni regra ne'ebé sira ohin questiona ne'e. Ne'ebe ha'u secunda intervenção colega Deputado na'in-rua.

Triste tebes tanba ossan atu fó ba povo, povo mak nu'udar rico-soin nação nian, maibé tanba regras ne'e to'ogora povo lamenta e depois ita balu sei bá ko'alia dehan katak Governo la iha capacidade, ida-ne'e triste tebes. Ita haree daudaun katak dados uma-kain família sira-nia iha Timor mak dehan sussar, maibé estudante não-bolseiro sira iha li'ur ne'e sira-nia naran, sira-nia dados completo iha embaixada sira, tanbassá mak ida-ne'e mós atrasa? Tanba ne'e ha'u hanoin Governo tem que tetu didi'ak ida-ne'e hodi acelera plano sira ne'ebé Governo halo capaz tebetebes. Ida-ne'e aminia hanoin ida dadeer kmanek ida-ne'e.

Kona-ba plano Ministério da Educação nian katak estuda iha uma ka estuda à distância ne'e plano ida que di'ak, maibé benefício ne'e, horikalan ami simu nafatin mensagem katak benefício ne'e la fó ba estudantes hotu-hotu, tanba nem que estudante hotu-hotu iha telefone, iha televisão, e depois fulan ida liubá ami apresenta dehan katak Ministério sei lori livros ba iha escola sira, to'ogora ami hetan informação katak sira seidauk hetan livros to'ogora. Tanba ne'e mak ha'u hanoin tetu didi'ak antes halo extensão de estado de emergência ida-ne'e di'ak, maibé tetu didi'ak dificuldade sira ne'ebé ema enfrenta iha base.

Obrigada, Sr. Presidente.

Sr. Presidente em Exercício (Luís Roberto da Silva): — Obrigado, Sr.^a Deputada.

Tanba tempo, ha'u diretamente entrega ba iha Governo atu fó informação ou responde ba preocupação sira ne'ebé mak Na'i Deputado sira hato'ogora. Ne'ebe tempo ha'u fó ba Ita-Boot.

Obrigado.

Sr. Secretário de Estado para a Comunicação Social (Merício Juvenal dos Reis «Akara»): — Obrigado ba Sr. Presidente, ba Sr. Vice no ba Na'i Deputado sira.

Preocupação barak loos mak ami simu ohin, maibé ha'u sei concentra ba assunto importante balu mak maioria ohin foti, primeiro liga ba extensão estado de emergência, segundo mak subsídio e terceiro mak segurança.

Kona-ba extensão estado de emergência Governo sei mai explica wainhira Plenária acontece, razão fundamental ba Governo hodi hussu extensão ba Sr. Presidente da República mak ita usa *standard* Organização Mundial da Saúde nian ne'ebé sira fó ba nação hotu-hotu atu cumpre. Ita haree ida-idak. Exemplo, *standard* ida oinsá nação ida tem que preparado ho equipamento hotu-hotu, facilidade hotu-hotu hodi hassoru Covid 19, ita tem que cumpre ida-ne'e, e ita tem que reconhece katak ita-nia infraestrutura, equipamento, seidauk completo. Ita esforço maka'as, sassán equipamento balu ita hola duni ona iha rai-li'ur mak sei iha dalan, seidauk to'o hotu mai. Exemplo *standard* ida-ne'e ita sei preocupa, tanba ne'e mak Governo hanoin extensão estado de emergência ne'e bele fó espaço di'ak liu ba Estado no ba Governo atu luta contra Covid-19 e ita hatudu duni ona, fulan rua liubá, bainhira ita usa estado de emergência ne'e ita consegue duni controla. Então ita hanoin, antes ita-nia equipamento sira-ne'e to'o, ita hanoin katak extensão ne'e válido, la'ós ida-ne'e de'it, ita la iha ona caso, maibé vírus ne'e sei iha. Organização Mundial da Saúde dehan vírus ne'e sei iha, e iha fatin hotu possibilidade atu ataca filafali ita ne'e sei maka'as tanba ai-moruk ba ida-ne'e mós seidauk iha.

Então ita contente e orgulho katak ita la iha ona caso, maibé ita labele haluha katak vírus ne'e sei iha e realidade agora ita-nia nação vizinho mak hetan caso maka'as loos. Iha Indonésia, tuir dados mak ita simu, quase cada laron ne'e positivo ne'e sa'e maka'as to'o mil e tal, e iha NTT mós caso ne'e maka'as e bessik loos ita tanba ne'e mak ita tem que previne nafatin, cuidado nafatin ita-nia nação para vírus ne'e labele mai tan iha ita-nia rain.

Tanba ne'e mak estado de emergência ne'ebé mak agora ita propõem ne'e nia regra ne'e sei la maka'as hanessan fulan rua liubá. Ita sei concentra maka'as ba iha atu taka fronteira terrestre, tassi ho fronteira aérea ka lalehan. Ida-ne'e ita sei rigoroso iha-ne'ebá para ema labele tama mai, tanba daudaun ne'e ita hotu hatene katak vírus mak mai ne'e importado, ita consegue resolve, ita lakohi tama tan. Tanba ne'e mak ita sei concentra iha-ne'ebá katak labele fó espaço atu vírus ne'e tama mai, ne'ebe, estado de emergência concentra maka'as iha fronteira sira.

Segundo mak quarentena obrigatório ne'e tem que mantém, mínimo objetivo rua ne'e ita bele implementa wainhira estado de emergência ne'e bele la'o tan tanba ita labele limita ema nia direito ho lei baibain, liuliu ida ita atu bandu ema labele tama sai ne'e. Ne'e duni, ho razão ida-ne'e, estado emergência bele fó dalan mai ita para ita atu limita duni ema nia direito ohin ne'e, liuliu direito atu tama-sai, no atu halo quarentena obrigatório. E mais ou menos razão básico principal tanbassá Governo hakarak propõe mak ida-ne'e.

Standard Organização Mundial de Saúde sira seluk, tuir análise ne'ebé ita iha ita tem que cumpre tan, maibé bainhira plenária tuirmai, ita-nia Primeiro-Ministro sei mai explica razão mais *detail*, ou Centro Integrado sei mai, bainhira de'it! Se Ita-Boot sira precisa, Governo mai atu explica em detalhe, ne'ebe ita hein iha tempo badak extensão ne'e bele aprova.

Segundo, kona-ba subsídio, ohin ita-nia Deputada Angélica Rangel explica buat balu ne'ebé forte loos, ami hanoin ne'e ida, tanba liga ba aspeto legal, Governo labele mós executa naranaran de'it, depois no fim Governo sala tan. Ne'ebe, obstáculo ida mak ida-ne'e duni, ida tan mak fundo ne'e rassik, ita-nia fundo ne'e limitado, ita tem que gere. Tanba ne'e mak semana kotuk gestor ba fundo ida-ne'e halo exercício maka'as, Ministério hotu-hotu tem que reduz ninia item orçamento sira para ita bele resolve subsídio ba uma-kain, nune'e mós ba ita-nia estudante sira, ne'ebé número família foun mós aumenta, maibé horissehik loraik ita decide ona, ita aprova ona milhões 63,7 atu hahú selu ba fulan rua nian ba uma-kain mais ou menos rihun atus tolu sanulu-ressin-ualu e tal, e técnico sira hahú halo serviço. Técnico atu implementa ida-ne'e mai hussi ministério rua: Ministério da Solidariedade Social ho Ministério Estatal, ida-ne'e mak responsabiliza ba nia execução. Até agora ita continua atu verifica dados ne'e, maibé Primeiro-Ministro fó orientação katak tem que executa daudaun ona, tanba ne'e mak técnico sira hatete mai ita katak sira sei acelera. Iha data tentativa balu iha-ne'e, ita bele dehan fim do mês execução bele la'o, orçamento ohin ha'u temi, milhões 63,7 ne'e, aprova tiha ona atu executa ba fulan rua.

Ita sei hussu orçamento tan, tanba la'ós ba ida-ne'e de'it, ba ita-nia estudante sira, ba pacote recuperação económica, ne'ebé ohin ita-nia Deputada Nina Rangel ko'alia ne'e ita tem que hanoin filafali ba ne'ebá, depois oinsá ita la'o ba oin fali, mas Governo sei mai fali atu haree orçamento ne'e. Em geral ita hatene katak orçamento limitado, la bele cobre ba hotu-hotu tanba exigência barak, hakarak ida-ne'e, ida-ne'ebá, selu ida-ne'e, ida-ne'ebá, mas ita gere de'it orçamento mak ida-ne'e, la'ós fácil. Ne'ebe, em geral informa de'it katak Governo halo ona exercício, ita foti item balu hussi ministério sira hanessan Defesa e Segurança, hotu-hotu contribui para ita resolve preocupação ne'ebé ohin Ita-Boot sira temi.

E ita aprova ona mós orçamento atu selu estudante sira iha rai-li'ur, ne'e mós horissehik aprova tiha ona. Loos duni, Ministério tolu mak gere, ne'e Ita-Boot sira mós decide iha-ne'e, Ministério da Saúde, Ministério dos Negócios Estrangeiros no Ministério das Finanças. Agora, na'in-rua iha ona mudança, maibé ita sei reforça para funcionamento Conselho Gestão Fundo COVID ne'e bele la'o di'ak, mas hakarak dehan horissehik ita aprova tiha ona. E estudante iha rai-li'ur, dados em geral tama hotu ona, maibé ita tem que haree tan, nação balu nia custo aas, la'ós hanessan, então ita sei gere tuir ida-ne'e e orçamento mós la'ós hanessan, hanessan iha Austrália. Balu iha África tan, balu estuda iha-ne'ebá ne'e na'in-ida ou rua de'it, então ita tem que buka tuir ho ninia custo mak la

hanessan. Mas, em geral dados sira-ne'e tama hotu ona, orçamento horissehik aprova e espera tempo badak ne'e equipa bele ona halo ninia serviço.

Ne'ebe, ohin preocupação balu oinsá coordenação serviço em termos de implementação, hakarak informa iha-ne'e, ministério rua ne'ebé sei responsabiliza atu halo execução ba 100 USD ba uma-kain, ne'e Ministério da Solidariedade Social ho Ministério da Administração Estatal mak sei iha oin ka linha frente atu halo execução. Ami fiar katak iha dificuldade duni, maibé MSS (Ministério da Solidariedade Social) iha experiência barak ona. Ita iha conflito oioin ne'ebé mossu iha ita-nia rain, MSS iha capacidade atu responde ida-ne'e.

Ami hanoin capacidade de execução, maski ohin balu questiona, mas ami nia hanoin karik la'ós ida-ne'e tanba sira-nia experiência atu responde conflito oioin ne'ebé mossu iha ita-nia rain, consegue selu, colabora ho banco sira, funciona ho di'ak. Maibé, iha buat balu mak, hanessan ohin ita-nia Deputado balu mós menciona, ita tem que verifica duni, ajusta duni, para labele choque malu, depois no fim lei condena fali ita e ita fó sala ba malu tan. Mas, em geral hakarak dehan la iha cancelamento ba plano hirak-ne'e, política ida-ne'e executa hotu. Ita só iha questão tempo de'it para ita-nia equipa halo ninia serviço, mas la iha mudança ruma iha política ida-ne'e, la iha cancelamento ba política ida-ne'e, ne'ebe saida mak ita ko'alia sei executa tuir política e decisão que ita iha.

Loos duni katak tem que executa agora, maibé ita ko'alia mós kona-ba pacote recuperação ne'e la tem que agora, balu tem que continua to'o ita-nia situação ne'e normaliza. Ne'ebe, recupera ne'e la'ós hotu-hotu tem que... Neineik to'o ita normaliza hotu, inclui aspeto económico hotu. Ne'ebe, maski estado emergência hotu mós execução ne'e tem que continua to'o hotu, tanba ne'e recuperação ba aspeto hotu.

Ikusliu, kona-ba segurança, iha duni acontecimento balu, mas ne'e ita bele isola, la'ós hanessan obstáculo boot, segurança em geral ne'e di'ak. Ita-nia Ministério da Defesa e Segurança, Comandante-Geral PNTL, ita-nia F-FDTL, ne'e preparado loos 24 horas atu assegura situação iha rai-laran, e sei la fó fatin ba qualquer tentativa atu desestabiliza ita-nia nação, sé de'it! Hakarak dehan ba Ita-Boot sira, Governo preparado loos atu mantém segurança, la'ós iha situação emergência de'it, maibé ita labele fó tan fatin, espaço, ba qualquer ema atu desestabiliza ita-nia situação, ita-nia estabilidade nacional. E loron ruma Ita-Boot sira bele convida tan ita-nia Ministério da Defesa para bele mai explica kle'an liu. Ne'ebe, hanessan representa Governo, ohin mai iha-ne'e, hakarak transmite de'it ida-ne'e: la iha espaço nem uitoan ba sé de'it atu desestabiliza ita-nia segurança iha ita-nia rain. Ha'u ko'alia hanessan representa Governo, la bele em detalhe tanba iha Ministério relevante mak mai ko'alia.

Agora, assunto sira seluk ami regista, sei informa, transmite, ba Ministério relevante atubele fó resposta ba Ita-Boot sira, liuliu liga ba inundaçon ne'ebé acontece iha parte leste. Ministério das Obras Públicas hala'o hela sira-nia serviço, Ministério da Solidariedade Social mós hala'o hela e técnico hahú halo serviço, e espera apoio social sei to'o iha ita-nia população ne'ebé afetado iha tempo badak. Ida-ne'e mak ha'u simu informação hussi Ministério da Solidariedade Social depois de ha'u simu preocupação hussi Ita-Boot sira.

Ha'u-nia hanoin mak ida-ne'e. Obrigado, Sr. Presidente.

Sr. Presidente em Exercício (Luís Roberto da Silva): – Obrigado, Sr. Secretário.

Ida-ne'e mak informação hussi ita-nia Sr. Secretário ne'ebé representa Governo, maibé molok ha'u atu tama iha ponto agenda tuirmai, ha'u sei fó tan tempo ba iha Deputado na'in-tolu, ne'ebé iha ne'e ba ponto de ordem. Primeiro, ha'u convida Sr.^a Deputada Maria Angélica Rangel dos Reis, tuirmai, Sr. Deputado Alexandrino Cardoso, ikusliu, Sr.^a Deputada Lídia Norberta.

Ne'ebe, ha'u fó uluk ba Sr.^a Deputada Maria Angélica. Halo favor.

Sr.^a Maria Angélica Rangel da Cruz dos Reis (FRETILIN): – Muito obrigada, Sr. Presidente em Exercício.

Ha'u hakarak dehan nune'e de'it: hussi Portal de Transparência ne'ebé iha acesso Parlamento Nacional nian, katak Governo nia capacidade de execução até à data, *real*, maka 39,1%. Significa katak ita, Parlamento Nacional, hanessan órgão fiscalizador, Sr. Presidente, ha'u hakarak hussu atu nune'e hussu ba Sr.^a Ministra, e Sr. Secretário de Estado iha-ne'e atu hussu, atu haruka relatório DOT (Dotação Orçamental Temporário) ne'ebé cada fulan executa ona - iha-ne'e, hanessan iha Portal de Transparência ne'e, katak hussi fulan janeiro, fevereiro, março, abril, maio - atu nune'e ita bele hatene katak Governo nia execução to'o iha-ne'ebé. Ne'e ida. Ne'e kona-ba duodecimal nian, hussi orçamento ne'ebé ita aprova iha ano anterior hussi implementação duodecimal.

Segundo, hakarak hussu mós ba Ministra das Finanças atu halo relatório mai Parlamento Nacional, liuliu kona-ba orçamento transferência 250 milhões ne'e. Saida mak halo com que to'o agora la bele executa? Ohin ha'u rona katak iha ona aprovação atu selu ba uma-kain sira 63,7 milhões de dólares, espera katak implementação lailais e mós ita-nia oan sira ne'ebé escola iha rai-li'ur, sira mós bele hetan acesso. Tanba ne'e mak ha'u hakarak hussu ba Sr. Secretário Estado, se bele karik

aban ami simu relatório execução hussi orçamento duodecimal no mós orçamento 250 milhões ne'ebé transferência extraordinária hussi Fundo Petróleo.

Muito obrigada.

Sr. Presidente em Exercício (Luís Roberto da Silva): – Tuir kedas: Sr. Deputado Alexandrino. Halo favor.

Sr. Alexandrino Cardoso da Cruz (FRETILIN): — Obrigado.

Atu informa de'it informação atual hussi comunidade sira iha Posto Tilomar no Fatumea. Estrada liga Posto Tilomar ba Fatumea kotu iha fatin tolu kedas iha ohin dadeer-saan, e carreta ho *motor* la bele halo movimentação. Hussu ba Ministério relevante, liuliu IGE (Instituto de Gestão de Equipamentos), atubele bá halo normalização ba estrada ne'ebé kotu.

Obrigado.

Sr. Presidente em Exercício (Luís Roberto da Silva): – Obrigado.

Último: Sr.^a Lídia Norberta. Halo favor

Sr.^a Lídia Norberta dos Santos Martins (FRETILIN): – Sr. Secretário de Estado, atu informa de'it, ita-nia paciente sira iha Jacarta, sira mós acompanha hela ita-nia plenária, ne'ebé sira manda hela mensagem mai atu ha'u bele foti iha-ne'e. Sira hatete katak bessik fulan tolu, atu tama fulan haat ona, mas sira la simu ossan han, então sira preocupa. Sira dehan: «Agora, ami iha-ne'ebá moras ida corona ne'e mós iha, ami mai ho ami-nia moras tan, entre rua ne'e ida ami bele mate, se ossan la iha di'ak liu haruka ami fila.». Ne'ebe, se bele haree mós sira-nia situação ne'ebé iha-ne'ebá, fulan tolu, atu tama fulan haat kedas ne'e, ne'e problema uitoan.

Obrigada.

Sr. Presidente em Exercício (Luís Roberto da Silva): – Obrigado, Sr.^a Deputada.

Karik Governo iha tan hanoin ruma atu hato'o, tempo ba Ita-Boot.

Obrigado.

Sr. Secretário de Estado para a Comunicação Social (Merício Juvenal dos Reis «Akara»): – Obrigado ba informação hirak-ne'e, ami sei comunica.

Ohin ita-nia Deputada Nina Rangel hussu kona-ba relatório, ha'u sei transmite ba Ministério das Finanças atu haree ida-ne'e, inclui informação hussi Jacarta. Ita-nia estudante sira regista tiha ona.

E ohin ita-nia Deputada Olinda mós ko'alia kona-ba ema hana rama ambon, foin mak Comandante PNTL dehan ha'u katak loos, mas captura tiha ona, vítima nia condição agora di'ak e sira sei continua buka, sé mak halo tan sei simu mós nia consequência.

Então, ida-ne'e de'it. Obrigado.

Sr. Presidente em Exercício (Luís Roberto da Silva): – Obrigado, Sr. Secretário.

Ha'u hanoin ida-ne'e mak ikus nian ba iha Período de Antes Ordem do Dia, tanba ne'e obrigado barak ba Governo e bom trabalho ba Ita-Boot sira, fiar katak buat hotu tau ba implementação acelera processo ne'e para ita-nia comunidade sira bele sente. Obrigado barak ba Ita-Boot nia presença e bele hassoru malu filafali iha aban.

E hussu filafali ba Plenário, ita intervalo tiha lai ka ita continua kedas? Ita convida ita-nia Comissário CAC ho nia comitiva para mai hola fatin iha oin, hodi hato'o Ita-Boot sira-nia relatório. Obrigado.

Iha informação ida tan hussi Sr. Secretário de Estado atu hato'o. Halo favor.

Sr. Secretário de Estado para a Comunicação Social: – Iha agenda mós menciona Ministério Reforma Legislativa atu hato'o informação ida, ne'ebe, Sr. Presidente Parlamento Nacional, ami informa katak ita-nia Comissário Função Pública nia mandato caduca ona, e ami hussu para Parlamento bele haree assunto ida-ne'e, no se bele urgente, atu preenche fali ho Comissário na'in-tolu tuir lei haruka. Ami hussu, se bele ho caráter urgente, ne'e di'ak liu.

Obrigado.

Sr. Presidente em Exercício (Luís Roberto da Silva): – Obrigado ba Sr. Secretário.

Ida-ne'e ami sei encaminha ba Presidente para halo processo ba iha Presidente Função Pública ho Comissário na'in-rua ne'ebé atu bá iha-ne'ebá. Obrigado barak ba Ita-Boot.

Tanba ne'e dala ida tan ha'u convida Sr. Comissário CAC nian ho nia comitiva atubele mai hola fatin iha oin para ita hahú ita-nia agenda.

Maibé, Sr.^a Deputada Angélica Rangel. Halo favor.

Sr.^a Maria Angélica Rangel da Cruz dos Reis (FRETILIN): – Muita obrigada, Sr. Presidente.

Ha'u hanoin ita ohin kedas começa, ita convida mós ita-nia bainaka sira, ita bá *break* 15 minutos tiha mak ita mai fali, hemu bee malirin ida.

Muita obrigada.

Sr. Presidente em Exercício (Luís Roberto da Silva): – Obrigado, Sr.^a Deputada.

Hotu-hotu concorda, ita convida ita-nia convidado sira ba halo tiha *coffee break* lai, depois ita mai continua ita-nia agenda.

Ita intervalo 15 minutos.

Obrigado.

Sessão plenária ne'e suspende iha tuku 11 liu minuto 2 dadeer no retoma fali iha tuku 11 liu minuto 36 dadeer, no preside nafatin hussi Presidente em Exercício (Luís Roberto da Silva).

Ha'u convida Sr. Comissário CAC ho nia comitiva bele mai hola fatin, para bele hahú ita-nia agenda ba loron ohin nian. Ne'ebe, ami convida Sr. Comissário CAC ho nia comitiva bele mai iha oin. Obrigado.

Di'ak, ami-nia boa tarde ba Sr. Presidente CAC ho nia comitiva, bem-vindo ba Ita-Boot sira. Tanba haree ba iha tempo, ha'u diretamente entrega tempo ba iha Sr. Presidente Comissário CAC hodi bele halo intervenção kona-ba relatório refere. Ne'e 15 minutos fó ba Ita-Boot atubele halo intervenção kona-ba apresentação relatório anual 2019 Comissão Anti-Corrupção nian. Tanba ne'e tempo ha'u entrega ba Sr. Presidente CAC. Ne'ebe, tempo ami fó, obrigado.

Sr. **Comissário Comissão Anti-Corrupção** (Sérgio da Costa Hornay): – Obrigado ba S. Ex.^a Presidente Parlamento Nacional em exercício, Mesa Parlamento Nacional mak ha'u respeita, Chefe Bancadas Parlamentares, Chefes Comissões, distintos Deputados mak ha'u respeita.

Uluknanain, lori ha'u-ata no mós Comissão Anti-Corrupção nia naran hakarak agradece wa'in ba iha Uma-fukun Parlamento ida-ne'e, nu'udar segundo órgão soberania Estado ida-ne'e nian. Hanessian ita hotu hatene katak Comissão Anti-Corrupção nu'udar instituição ida ne'ebé importante no essencial iha rain ida-ne'e. Nia existência no ninia funcionamento hori wa'in kedas mai duni hussi Parlamento ida-ne'e ho base ninia legitimidade ka legalidade ne'ebé Na'i Deputado sira iha Uma-Fukun Parlamento ida-ne'e estabelece, ho missão boot ida atubele hala'o nia knaar, nu'udar órgão ida independente atubele halo nia serviço oinsá mak atu erradica crime corrupção sira ne'ebé karik sai hanessian *accomplishment* ba ita hotu-hotu.

Excelência Sr. Presidente, Mesa, distinto Deputado, ho honra boot ha'u representa Comissão Anti-Corrupção mai apresenta relatório anual tinan 2019 nian. Hanessian hatete tiha ona iha artigo 28.º, Lei n.º 8/2009, ne'ebé hamossu criação Comissão Anti-Corrupção, tinan-tinan Comissão Anti-Corrupção nia dever mak atu mai iha Uma-Fukun Parlamento ida-ne'e hodi relata atividade hotu-hotu ne'ebé Comissão hala'o iha tinan ida nu'udar instituição Estado ne'ebé harii ho objetivo atu luta contra corrupção iha Timor-Leste.

Tinan 2019, Comissão Anti-Corrupção completa ninia existência ka funcionamento ba tinan sia. Nu'udar instituição Estado, hakarak hametin de'it Estado Direito no democrático tuir princípio ne'ebé hatuur ona iha ita-nia Constituição da República. Comissão Anti-Corrupção continua halo ninia missão hodi hametin serviço sira iha política ka iha área prevenção, sensibilização pública, no mós investigação criminal no cooperação institucional nian, hanessian hatuur tiha ona iha plano estratégico Comissão Anti-Corrupção nian iha 2015 to'o 2020.

Atu to'o ba iha objetivo no meta sira-ne'e, iha tinan 2019 Comissão Anti-Corrupção define ninia prioridade iha área temática haat, oinsá mak atu implementa autoavaliação ne'ebé Timor-Leste nu'udar Estado-Parte ratifica tiha ona, tuir resolução ne'ebé Parlamento rassik ratifica hanessian instrumento internacional ba iha Timor-Leste.

Iha parte segundo nian mai ho nia prioridade ida oinsá atu hametin cooperação institucional. Cooperação institucional ba iha instituição congénere sira, tanto iha rai-laran no mós iha rai-li'ur, para oinsá ita bele buka entende no conhece didi'ak kona-ba abut no problema corrupção ne'ebé sai ona hanessian transnacional iha ita-nia rain no mós internacionalmente.

Terceira prioridade ne'ebé ami destaca mós oinsá maka atubele desenvolve medida hotu-hotu ba combate corrupção nian. Hanoin boot ne'ebé Comissão Anti-Corrupção hakarak destaca iha-ne'e, hakarak partilha no informa ba iha distinto Deputado sira iha Uma-Fukun Parlamento Nacional ida-ne'e, maka ha'u hanoin tempo ona, hussi tinan 2002 to'o mai agora, ita precisa iha guia ka política, estratégia nacional ida, ba iha combate corrupção ka estratégia nacional anticorrupção nian.

Quatro ponto iha prioridade nian, ami mós destaca oinsá mak atu hametin desenvolvimento institucional, atu nune'e tinan ba tinan ita bele cresce ka ita bele iha evolução ba iha ita-nia instituição atu metin. Karik circunstância política balu iha, maibé ita bele assegura funcionamento no mós ninia sustentabilidade sira. Comissão Anti-Corrupção aposta ba iha prioridade ida-ne'e.

Iha tinan 2019, Comissão Anti-Corrupção mós reflete ninia prioridade hitu, prioridade sira-ne'e hotu nu'udar prioridade ida importante tebetebes atubele enriquece prioridade sira ne'ebé Comissão Anti-Corrupção traça tiha ona ba iha nia articulação serviço sira iha loron ba loron iha tinan ida nian. Nune'e mós Comissão Anti-Corrupção define ninia plano atividade sira ka ninia plano desenvolvimento iha programa sira, subprograma sira, hamutuk 23, ho objetivo para hametin liután ba oinsá mak bele dinamiza serviço sira iha Comissão Anti-Corrupção, liuliu iha direção tolu no mós iha unidade sia ne'ebé tutela iha Comissão Anti-Corrupção. Comissão Anti-Corrupção mós buka identifica necessidade sira ne'ebé iha Comissão Anti-Corrupção nian hodi hamossu atividades 105 oinsá mak atubele implementa espírito boot rua ba iha política prevenção, política investigação criminalidade ba iha crime corrupção no mós crime conexo sira. No mós oinsá mak atu reforça ninia cooperação institucional sira, tanto iha cooperação institucional congénere ka semelhante, ho polícia especializada sira, para halo serviço ba iha investigação criminalidade ba combate corrupção.

Política prevenção no sensibilização iha tinan 2019, ha'u bolu, hatete hela ba ita, atubele haree iha página 2 to'o iha 18, ami tenta atu halo articulação ida oinsá mak ita fó ênfase maka'as atu bele hala'o ita-nia serviço loroloron, liuliu iha política prevenção, investigação criminal no hametin cooperação institucional sira para bele halo comprimento ba iha ita-nia legalidade no mós instrumento internacional sira ne'ebé ita iha. Tanba ne'e, ami mós fó ênfase maka'as oinsá maka ita bele iha estratégia nacional ida anticorrupção nian, hanessian guia ida atu orienta ita iha ita-nia serviço loroloron, sai compromisso nacional iha ita-nia órgão soberania hotu-hotu atubele fortifica ita-nia instituição, liuliu iha setor justiça nian, especialmente iha Comissão Anti-Corrupção nia serviço.

Atividade seluk ne'ebé Comissão Anti-Corrupção halo liuhossi serviço prevenção sira maka buka identifica risco corrupção sira ne'ebé mossu iha instituição Estado nian. Iha estudo balu ne'ebé ita halo tiha ona, liuliu estudo tolu ne'ebé Comissão Anti-Corrupção halo. Ida, atu haree kona-ba sistema estudo sira iha arrendamento nian, ha'u atu fó lailais de'it katak iha arrendamento nian, que

oinsá maka ita bele halo identificação ba ita-nia bens móveis ka imóveis sira ne'ebé sai hanessan rico-soin ba iha Governo ka Estado.

Nune'e, mós ita halo estudo balu ba iha serviços instituição independente sira hanessan Rádio e Televisão Timor-Leste, atu loron ba loron sira bele sai hanessan instituição Estado nian, ne'ebé sira iha kbiit atubele desenvolve sira-nia an. Comissão Anti-Corrupção identifica mós iha buat balu que ita precisa halo atubele haforça ita-nia boa governação, liuliu oinsá maka ita bele halo diagnóstico hodi bele halo *assessment* ka halo levantamento ida ba iha ita-nia vulnerabilidade serviço sira iha instituição Estado nian. Hanessan ita halo parceria hamutuk ho instituição internacional sira, hanessan PNUD (Programa das Nações Unidas para o Desenvolvimento) ne'ebé fó apoio ka assistência oinsá maka ita bele haree, buka hatene, ita-nia hun no abut kona-ba crime corrupção nian. Sira tulun daudauk hela ita hodi bele produz matéria ka estudo balu hodi bele fomenta ba ita-nia elaboração plano estratégico nacional ba iha combate corrupção. Ita iha ona *baseline* balu ne'ebé ita foti hussi ne'ebá.

Além de ida-ne'e, iha estudo Comissão Anti-Corrupção nian, ita hakarak halo mós serviço prevenção nian iha escola sira, oinsá maka atubele fó educação ba iha ita-nia cidadão sira atu eleva sira-nia conhecimento hahú kedas hussi sira sei iha escola, atu nune'e facilita oinsá sira bele hakat ba iha oin. Serviço ida-ne'e la serviço messak, maibé hamutuk mós ho organização não-governamental sira, administrador sira iha município, oinsá maka atubele halo cooperação ida que di'ak, tanba ami mai ho hanoin ida, experiência comum ida, katak serviço ne'ebé hamutuk ita bele alcança ita-nia objetivo, se la serviço hamutuk ita nunca ultrapassa situação sira-ne'e.

Para hametin integridade instituição ba serviço Estado nian, Comissão Anti-Corrupção continua promove valor sira anticorrupção nian, atu nune'e ita-nia setor público, liuliu iha exercício funcionalismo público nian, bele iha kbiit hodi bele halo interpretação no mós bele halo sira-nia serviços loroloron nian ba iha decisão sira ne'ebé sira toma. Serviço sira-ne'e la pára iha-ne'e de'it, ita halo hamutuk oinsá maka ita bele halo *workshop* ka ita halo seminário sira iha nível nacional to'o iha município sira. Iha tinan 2019 ami identifica distrito neen sai hanessan alvo oinsá maka ami bele partilha ho sira hodi nune'e bele eleva serviço Comissão Anti-Corrupção nian, mas ho finalidade ida katak ita-nia administrador sira, ita-nia quadro sira destacado iha municípios, sira mós iha conhecimento ba iha serviços integrados ne'ebé iha nível nacional nian.

Dalan balu hodi hametin integridade institucional nian maka halo inspeção ka halo visita surpresa sira hussi Comissão Anti-Corrupção para bele haree katak loron ba loron ita hakarak muda comportamento serviços ita-nia agente funcionário público sira ne'ebé destaca iha instituição sira, hanessan Serviço Imigração, Alfandega, Serviço Aproveitamento, iha linhas fronteiras nian no mós

iha portos, ne'ebé ita haree katak estratégico tebetebes bele mossu ka iha contaminação ba iha pratica crime sira.

Iha parte investigação nian, Comissão Anti-Corrupção halo nia serviço maka'as loos, Na'i Deputado sira bele haree iha relatório Comissão Anti-Corrupção nian, iha página 18 to'o iha 25, serviço hirak ne'ebé Comissão Anti-Corrupção halo liga ho investigação nian, ne'ebé fahe ninia serviço iha área principal rua: ida, oinsá maka atu hametin unidade informação segurança ba iha informação sira, notícia de crime sira ne'ebé mossu iha público, oinsá maka ita bele recolhe informação sira-ne'e no halo análise hodi nune'e bele sai hanessan facto ka evidência ida para ita bele halo averiguação ka ita bele promove ida-ne'e sai hanessan matéria ida ba iha investigação criminalidade nian. Com certeza serviço sira-ne'e halo articulação hamutuk ho autoridade judiciário sira, iha-ne'e Ministério Público nu'udar titular ação penal. Serviço sira hussi unidade informação segurança nian sempre providência no cautela buat hotu-hotu atu evita situação sira ne'ebé mossu, liuliu iha fuga de informação sira.

Iha tinan 2019 Comissão Anti-Corrupção mós, liuhossi Direção Investigação, consegue simu informação sira, simu dados sira ka queixa sira, mai hussi comunidade hamutuk 150, hussi fonte sira ne'ebé ita bele hatete katak credível, maibé nakonu ho sigilo, confidencialidade no mós iha segredo. Ita halo serviço maka'as loos liuhossi especialista anticorrupção ne'ebé iha, tanto iha direção prevenção no mós sensibilização nian, iha investigação criminal nian, cruza informação sira-ne'e atubele hetan veracidade ida loloos ba iha ato prática de crime ruma. Ita mós simu delegação sira mai hussi Ministério Público. Delegação sira-ne'ebé mai hussi Ministério Público, ba caso sira ne'ebé delega mai iha Comissão Anti-Corrupção, iha caso 60 ne'ebé ita simu hussi Ministério Público.

Comissão Anti-Corrupção mós halo nia serviços halo averiguação ka halo vigilância hamutuk ho instituição congénere sira hodi halo auto-stop ba iha ita-nia viaturas ka carreta sira ne'ebé wainhira usa la apropriado iha tempo fora de hora serviço nian, hamutuk caso 51 mak ita halo vigilância ka ita halo medida balu.

Iha tinan 2019, Comissão Anti-Corrupção iha caso, hamutuk ho caso pendente 2018 nian, ne'e ita iha 73. Caso 13 pendente mai hussi tinan 2018 nian. Comissão Anti-Corrupção consegue halo relatório inquérito final nian hodi remessa ba iha Ministério Público caso hamutuk 43. Caso 17 sei pendente hela, mai ho ninia circunstância lubuk oan ida ne'ebé hale'u iha-ne'ebá, tanba iha complexidade, tanba iha migração fatin ba iha suspeito ka arguido sira, então ida-ne'e mós sai hanessan circunstância ida. Mas, ita cautela, oinsá maka ita bele providencia serviço sira-ne'e atu ita bele to'o iha situação ida ne'ebé ita hotu-hotu hakarak.

Comissão Anti-Corrupção mós halo averiguação ba iha denúncia ka queixa sira-ne'ebé mai hussi ita-nia comunidade sira. Hussi denúncia sira ne'ebé mai, nu'udar polícia especial ba iha crime corrupção nian, ami sempre haree ba iha caso sira ne'ebé mai, tenta halo análise hotu-hotu, atu nune'e bele preenche requisito sira ne'ebé maka iha, liuliu objetividade, assegura legalidade, para nune'e labele iha tendências ba iha subjetividades iha investigação criminal no bele hetan credibilidade hussi ação sira ne'ebé mai.

Iha tipo crime ne'ebé mossu ka ninia número ne'ebé aas iha-ne'ebá, ita bele hatete katak, liuliu iha crime corrupção passiva lícito, crime corrupção passiva ilícito, crime corrupção ativa peculato, peculato de uso, abuso de poder, abuso força pública, participação económica em negócio, recusa cooperação, administração danosa, falsificação documento, no mós abuso de confiança agravado sira. Ne'e nu'udar tipo de crime sira ne'ebé recai ba iha competência Comissão Anti-Corrupção nian atubele halo.

Ita mós bele permite mai ami, Sr. Presidente, Distintos Deputados, karik crime corrupção ne'e mossu iha ne'ebé? Loos duni, crime corrupção sempre mossu iha instituição Estado nian, liuliu exercício funcionalismo público nian, maibé coabita ho setor privado sira ne'ebé sempre halo serviço hamutuk ho instituição público Estado nian.

Hanessan ami relata iha relatório, iha página ka folha 23, iha ne'ebá ami mostra katak iha instituição 10 ne'ebé sai vulnerabilidade ka alvo serviço Comissão Anti-Corrupção nian iha tinan 2019. Ita halo processo sira-ne'e ho cuidado tebetebes, hamutuk ema 99, composto hussi mane na'in-82, feto 12, no mós testemunha sira hamutuk 729 pessoas ne'ebé sira sujeita atu fó sira-nia depoimento ba iha Comissão Anti-Corrupção. Nune'e mós mane hamutuk 534 pessoas, agentes ne'ebé ita bolu hodi nune'e sira bele colabora ho Comissão Anti-Corrupção. Feto hamutuk 195 maka ami bolu hodi bele fó sira-nia hanoin, nu'udar testemunha ocular ka testemunha ne'ebé iha conhecimento atubele fó nia depoimento ba iha facto sira ne'ebé ami atu descobre. Serviço seluk ne'ebé investigação halo iha tinan 2019 nian, com certeza iha progresso lubuk oan ida ne'ebé ami alcança, maibé regista mós iha desafio lubuk oan ida ne'ebé Comissão Anti-Corrupção sempre hassoru no enfrenta, maibé ida-ne'e la kuran ba ami atu bele halakon ami-nia energia para halo serviço ida-ne'e.

Iha parte dala haat nia serviço, Comissão Anti-Corrupção hanessan ha'u temi sai tiha ona iha leten, oinsá mak atu hametin cooperação institucional, para Timor-Leste hanessan Estado parte la'ós ona hanessan instituição ida isola an messak, maibé oinsá maka atu halo conetividades ho instituição sira selusseluk atubele halo processo investigação, halo averiguação, recolha notícias, haree mós ba iha *modus operandi* crime ne'ebé sira bele halo iha fatin seluk ka iha rain seluk.

Comissão Anti-Corrupção mós halo serviço hamutuk ho instituição congénere sira, liuliu oinsá mak atubele promove no hakbiit, liuliu iha prevenção ninian, hamutuk ho Comissão da Função Pública, tanba ita hotu hatene katak Comissão Função Pública concentra hela ita-nia agente funcionário lubuk oan ida iha-ne'ebá. Sira nu'udar operadores, loroloron hassoru desafio sira, liuliu iha contratação bainhira iha serviço aprovisionamento no mós ba iha adjudicação sira ne'ebé sei halo em termos de tuir regime aprovisionamento ninian, sira tem que halo hodi nune'e na'i ulun sira Ministro em instituição direta ka indireta sira bele halo decisão ba iha contrato sira hodi bele, tanto ba iha aquisição, ba iha sassán ka equipamento no mós ba iha construção sira ne'ebé iha.

Halo mós serviço ho PDHJ (Provedoria dos Direitos Humanos e Justiça), inspetor geral do Estado, Polícia Nacional Timor-Leste no mós universidade sira, atubele hametin rede ba iha cooperação, hodi nune'e ita bele manán espaço ba iha denuncia ka queixa sira ne'ebé mai hussi comunidade. Cooperação ne'e, sira hotu la'ós kuran ba ida-ne'e de'it, ita mós loke ita-nia liras hodi hamutuk ho ita-nia agência internacional sira, diplomático sira, liuliu ita-nia país vizinho sira ne'ebé sira-nia representante iha Timor-Leste, hanessian embaixador sira. Ho nune'e, ita bele troca experiência iha ita-nia prática serviço loroloron nian ho sira.

Ita mós halo serviço hamutuk ho agência Nações Unidas ninian hanessian *UNDOC (United Nations Office on Drugs and Crime)*, ne'ebé ninia sede iha Viena ka Áustria no mós iha Ásia, iha Bangkok, para oinsá ita bele cruza informação ruma no mós ita bele hussu ba sira atubele fó assistência técnica ba ita karik ita precisa. Tanba ita ratifica ona convenção ba iha anticorrupção ninian, então ita mós hanessian Estado parte ita bele solicita iha qualquer momento saida de'it para ita bele hussu sira-nia tulun, karik ita precisa. Hanessian caso concreto, ita mós hakarak sira partilha ho ita ba iha elaboração lei anticorrupção ninian no mós ba iha estratégia nacional anticorrupção nian ne'ebé aban bainrua karik na'i distinto Deputado sira ou Governo bele providencia atubele sai hanessian ita-nia guia ba iha futuro.

La kuran ba ida-ne'e de'it, ita mós preocupa tau boa governação ida que di'ak, liuliu oinsá mak hametin ita-nia gestão institucional, foco ne'ebé ita halo oinsá mak ita bele halo gestão ida ho Orçamento Geral do Estado ne'ebé dotação Orçamento Geral Estado ninian ne'ebé atribui ba iha Comissão Anti Corrupção ba tinan-tinan.

Concretamente iha tinan 2019, Comissão Anti-Corrupção hetan dotação orçamento 1.372 e tal mil dólares americanos. Ne'e atu halo saida?! Ne'e ami partilha ka halo agregação baseia ba iha Lei Orçamento Geral do Estado ninian hodi fahe ba iha salário, ba iha «Bens e Serviços», «Capital Menor», Capital de Desenvolvimento» no mós ba iha fundos capital desenvolvimento humano ninian. Ami halo ho cuidado tebes atu nune'e ita bele gere ossan sira-ne'e. Ami hanoin katak ossan ida-ne'e

iha nia discrepância ida, compara ho instituição sira seluk uitoan tebetebes, maibé ita mós tem que sukat ita-nia força de trabalho rassik, hanessian ohin ami temi ou temi daudauk katak ita iha direção tolu, iha unidade sia atu halo serviço, halo cobertura ba iha distrito sira tomak.

Na'i Presidente no mós distinto Deputado sira, iha fundos capital desenvolvimento ninian ita mós buka oinsá mak atubele enriquece ita-nia quadros especialista anticorrupção sira, liuliu buka formação ba iha ita-nia ema sira ne'ebé timoroan, jovem, que mesmo sira seidauk iha experiência barak oinsá mak sira bele halo sira bele halo formação iha rai-li'ur para bele manán confiança, experiência no manán ciência, hodi nune'e bele mai introduz sira-nia conhecimento ne'e iha ita-nia instituição ka iha ita-nia Rain.

La kuran ba ida-ne'e ita mós halo serviço maka'as oinsá mak atu halo formação *in house training*, ka halo formação iha rai-laran, atu nune'e sira bele iha conhecimento, trocas, práticas, iha sira-nia serviço loroloron, ita bolu ema sira ne'ebé iha experiência ka habilidade aas: hussi Hong Kong, Indonésia, Malásia no mós hussi nação sira seluk, atubele mai partilha ho ita ba iha ciência, ba iha combate criminalidade ne'e rassik, ao mesmo tempo atubele troca iha vida prática real cada instituição congénere sira ninian hodi ba iha combate criminalidade.

Na'i Deputado sira, karik se hussu dehan hanessian ne'e Ita-Boot executa Ita-Boot nia ossan iha tinan 2019 hira, alcança por cento hira. Ami consegue hussi ossan 1.3 e tal milhões ne'ebé iha, ami consegue executa 84%. Com certeza, ossan sira-ne'e ami haree ba iha gastos ka despesas ne'ebé ami usa, ami tem que ho cuidado tebetebes para labele monu ba iha situação sira ne'ebé bele hamossu má gestão ka iha irregularidade ba iha execução orçamento ninian.

Na'i Deputados no mós Sr. Presidente mak ami respeita, ami mós tenta atu identifica katak hussi progresso sira ne'ebé iha, ita tenta atu identifica desafios balun ne'ebé mossu iha instituição ida-ne'e laran e bele halo cobertura, halo salto ida atu halo cobertura ba iha ita ninian instituição Estado tomak, mak ami identifica desafios balun mak hanessian tuirmai ne'e: primeiro, iha lacunas balun iha enquadramento legal atubele promove no mós previne ba iha combate criminalidade corrupção ninian, tanto iha área matéria criminalidade, ba iha crime corrupção, ba iha penalidade, mesmo ita iha ona Lei, Código Penal iha capítulo 6, hussi artigo 292.º to'o mai iha artigo 302.º, mesmo hanessian ne'e ita sei iha lacunas ka omissões lubuk oan ida que ita halo.

Maibé, ami fiar metin katak... Hanessian técnico, ami hakarak hussu ba Na'i Deputado sira katak tempo ona ita atu consolida ita-nia instituição sira hodi moderniza liután ita-nia lei sira, liuliu iha ausência hussi lei balun, artigo balun ne'ebé seidauk bele abrange ka vincula iha ita ninian Código Penal, então ita precisa atubele hamossu lei anticorrupção iha futuro.

Ami mós deteta katak registo sira kona-ba rai hanessian estudos ne'ebé ami halo tiha ona sai hanessian assunto ida importante, tanba ita atu halo oinsá mak diversifica ita-nia política atubele hetan receitas ka retorno balun. Tanba ami identifica katak rai no propriedades moveis ka imóveis bele sai mós receita ida, contribui ba iha ita-nia despesas Estado ninian. Precisa regulariza, regista no mós certifica atu nune'e bele fó biban ba iha cidadão no Estado atubele iha gestão ida que di'ak ba iha rico-soin metin sira-ne'e.

Seidauk iha mecanismo ida ne'ebé di'ak, liuliu ba iha ita-nia processo pagamento sira. Dalaruma investigador sira iha dificuldades atubele haree kona-ba oinsá mak processo transação sira ne'ebé la'ó. Ami tau iha ami-nia recomendações iha ponto 3, desafios, katak ita iha desafios bainhira ita hotu-hotu *cash money*, halo pagamento ossan direta, maibé la liu hussi situação. Loos duni, ita reconhece katak ita sei iha deficiências tanba ita seidauk tama iha digitalização ida que metin.

Iha parte quatro ninian oinsá mak ita bele haree, ami mós hassoru dificuldades ka desafios balu hanessian ohin testemunha sira ne'ebé ami temi, denúncia ka queixa sira ne'ebé tama, maibé wainhira ita la protege direito ka dever testemunha sira-nian difícil ba sira atu mai hato'o sira-nia caso ba sira-nia superior ruma, karik hassoru.

Comissão Anti-corrupção mós haree katak iha equipamento sira ne'ebé Comissão Anti-Corrupção iha seidauk natoon atubele halo serviço Comissão Anti-Corrupção ninian. Então, iha-ne'e ita precisa aparelho ne'ebé natoon para bele halo serviço Comissão Anti-Corrupção ninian.

Nune'e mós, ami destaca iha-ne'ebá katak sistema arquivamento iha instituição Estado ninian, bainhira ita halo averiguação, bainhira ita recolhe informação sira ba iha meios de prova sira iha instituição Estado ninian. Tanba hussi fatin ida ba fatin seluk sempre iha mudanças, então iha-ne'e documento sira ne'ebé ita atubele hussu dalaruma sai mós problema ka halo demora iha processo sira.

Nune'e mós, ami haree katak transferência ilegal sira dala barak acontece iha rai-laran no mós iha rai-li'ur, ita iha ona unidade informação financeira ne'ebé halo serviço ne'e, maibé ida-ne'e mós seidauk to'o, ita precisa iha serviço ida maka'as liu oinsá mak atu deteta ba iha situação. Então, declaração ba iha bens sai hanessian assunto ida mós ba ita.

Maioria companhia privada sira seidauk estabelece sira-nia sistema relatório ka sistema financeiro ka contabilidade ida-ne'ebé di'ak, então iha-ne'e karik ita ko'alia kona-ba fraude construção sira. Então, iha-ne'e mós sai hanessian assunto ida que ami tau preocupações.

Ikus, iha ami-nia desafios seluk mak ami hatene katak precisa promove nafatin sensibilização, informação ba iha ita-nia cidadão sira para bele iha conhecimento ba iha órgão judiciário sira. Dalaruma ita seidauk distingue didi'ak Comissão Anti-Corrupção mak ida-ne'ebé, PCIC (Polícia

Científica de Investigação Criminal) mak ida-ne'ebé, no mós iha Polícia Nacional Investigação mak ida-ne'ebé, ou Procurador ou Tribunal rassik. Então, iha-ne'e sai hanessan chave ida ba ita hotu, liuliu ba iha Comissão Anti-Corrupção no mós instituição congénere sira, oinsá mak atubele no sensibiliza informação.

Recomendações ne'ebé ami hakarak Na'i Presidente no Lou Deputado sira, ami hakarak recomenda iha ami-nia relatório ida-ne'e mak ne'e: crime corrupção começa buras daudaun no la' o daudaun iha ita-nia Rain doben Timor-Leste. Tanba ne'e, necessidades tebes ba ita atu iha lei específico ida atubele moderniza liután ita-nia lei sira ka lei vigente sira ne'ebé iha.

Ministério relevante sira atu estabelece política ida integrado hodi halo registo ba iha bens móveis ka imóveis ne'ebé sai hanessan património Estado ninian.

Hadi'a política inclusão ida ba iha financeira, hodi nune'e ema hotu bele acesso ba iha banco, sai hanessan dalan único nune'e ita bele certifica ba iha orçamento sira ka ossan sira ne'ebé sei tama, atu evita buat ida *money laundry* ka lavagem dinheiro sira.

Hussu ba ministério ka instituição relevante, público ka privado ne'ebé supervisiona serviço, liuliu ba iha setor privado, atu cria sistema ka mecanismo ida hodi fó atenção ba iha companhia sira atu estabelece sistema contabilidade ida que di'ak. Hanessan ohin ami temi tiha ona iha desafios lubuk oan ida que dalaruma ita dehan katak urgente, maibé dificulta uitoan ita-nia serviço.

Fó proteção no promove ba funcionário sira ne'ebé iha coragem atu halo denúncia ba queixa ruma ne'ebé mossu iha instituição sira, tanba ita seidauk tuir convenção Nações Unidas ninian, iha cláusula ida iha-ne'ebá mós temi hela oinsá mak ita atu halo proteção ba denunciante no mós queixoso sira, então iha-ne'e mós sai hanessan hanoin boot ida que ita incorpora hanoin sira-ne'e iha ita-nia Lei Anticorrupção, iha futuro.

Hussu no fó hanoin nafatin ba entidade Estado atu assegura gestão arquivamento ida que di'ak, hodi nune'e bele facilita ba iha processo investigação sira, tanto iha tribunais, iha Ministério Público, iha Comissão Anti-Corrupção no mós instituição congénere sira.

Hussu ba iha ministério relevante atu halo estuda kle'an, hodi nune'e identifica problema sira iha fronteiras, hodi nune'e assegura segurança movimento atividade sira ba iha sassán sira ne'ebé tama, tanba ohin ita ko'alia kona-ba crime corrupção, iha conetividade, drogas no mós buat sira seluk ne'ebé bele possibilita ka bele lori consequência negativa ba ita-nia geração vindoura sira. Tanba ne'e ita precisa ênfase maka'as iha-ne'ebá.

Hussu ba Na'i iha Ministério no instituição sira relevante atu halo ação ida necessário, tuir Lei Funcionário sira ninian ne'ebé destacado iha município ka área remotas sira. Dalaruma sira la halo

serviços tuir horas, maibé sira iha ne'ebá e sira simu salário, tanba ita iha controlo ne'ebé limite, controlo interno iha cada instituição ka direções ninian ida-ne'e sai problema.

Tanba ida-ne'e duni, Na'i Presidente no Na'i Deputado sira, ha'u hakarak conclui lori ha'u-nia estrutura tomak, Comissário no Adjunto na'in-tolu iha Área Investigação Criminalidade, iha Área Prevenção no Sensibilização no mós iha Cooperação Institucional ninian, Diretor Geral no Chefe Unidade sira, hakarak cumprimenta duni artigo 28.º Lei n.º 8/2009, hodi mai apresenta ka relata objetivamente atividade hotu-hotu ne'ebé Comissão Anti-Corrupção halo iha tinan 2019 ninian. Ho finalidade ida katak atubele fó hatene loloos progressos, desafios no recomendações balu ne'ebé ami haree útil, atu Na'i Deputado sira hanessan político bele haree no mós bele halo projeção ba oin, hodi halo nafatin fiscalização ba iha órgão ida-ne'e, para órgão ida-ne'e bele serviço ho responsabilidade ba contabilidade hodi bele assegura tuir princípio Estado de direto democrático Timor-Leste ninian.

Ida-ne'e mak ha'u-nia intervenção e dala ida tan ami hato'o obrigado barak tebetebes ba iha Uma-Fukun Parlamento ida-ne'e, Na'i Deputado sira hotu.

Obrigado barak.

Sr. Presidente: – Obrigado, Sr. Comissário ho ninia comitiva.

Iha-ne'e iha ona inscrição hussi Deputado sira ne'ebé atu halo intervenção no perguntas, tanba ne'e tempo ha'u fó direta ba Deputado sira.

Primeiro, ha'u convida Sr.^a Deputada Maria Angelina Sarmento. Halo favor.

Sr.^a Maria Angelina Lopes Sarmento (PLP): – Obrigada, Sr. Presidente em exercício.

Boa tarde ba Excelência sira hotu e bem-vindo ba Sr. Comissário Comissão Anti-Corrupção e Adjunto sira no ba distinto Deputada e Deputado sira hotu.

Ha'u ba diretamente ba assunto, baseia ba Lei CAC n.º 8/2009, artigo 5.º, fó competência lubuk ida ba Ita-Boot sira atu hala'o knaar ida-ne'e, liuliu iha alínea 2.c), iha-ne'ebá knaar ida mak atu oinsá descobre agente sira ne'ebé responsável ba ato crime, e kaer fali ba relatório ne'ebé Ita-Boot sira apresenta, liuliu iha página 5 e 6, iha-ne'ebá iha atividade ida-ne'ebé Ita-Boot sira halo mak serviço sira iha estudo no avaliação risco corrupção.

Iha instituição tolu mak Ita-Boot sira halo estudo: ida mak Secretaria de Estado de Terras e Prioridades, RTTL ho Diagnóstico Integridade Institucional. Ami hakarak hatene iha estudo ida-

ne'ebé Ita-Boot sira halo ba Secretaria Terras e Propriedades, liuliu iha página 6, iha-ne'ebá iha fraqueza lubuk ida ne'ebé Ita-Boot sira identifica, hussi n.º 1 to'o n.º 7, iha-ne'ebá repetido, iha mensagem ne'e dehan hussi serviço técnico operacional sira-ne'e fó ka resulta prejuízo ba Estado no fraude.

Agora, ami hakarak hatene liga ho artigo 5.º, competência, atu descobre agente sira ne'ebé responsável ba ato crime, to'o iha-ne'ebé CAC ninia competência ida-ne'e, Ita-Boot sira hala'o, atu identifica agentes funcionário público sira ne'ebé comete ato crime ida-ne'e hodi halo fraude no lori prejuízo ba Estado? E hussi Secretaria de Estado das Terras e Prioridades ne'e, mais ou menos, lori prejuízo hira ba Estado atu hetan prejuízo hussi agente sira-ne'e nia lala'ok?

Tuirmai, oinsá ho serviço CAC nia papel ida-ne'ebé todan, maibé Ita-Boot sira iha lacunas, iha Lei atubele implementa, ho de'it Código Penal, maibé ohin Comissário rassik hatete iha nafatin desafio, oinsá Ita-Boot sira bele resolve lacuna sira-ne'e em termos de enquadramento legal?

Tuirmai, oinsá cooperação ho entidade sira ne'ebé ho carácter inspeção e controlo, hanessan Polícia Científica de Investigação Criminal, Inspeção Geral do Estado, CAC rassik no Ministério Público? Karik iha sobreposição de competências ou conflito de competências entre instituição sira-ne'e, oinsá Ita-Boot sira bele resolve lacuna sira-ne'e?

Ikusliu, ohin Comissário hatete katak zonas húmidas ka *lahan basah*, ne'e barak liu iha alfândega, iha porto, no aeroporto, maibé iha relatório ne'ebé Ita-Boot sira hato'o, iha página 25, gráfico ne'e hatudu fali fatin acontecimento ba corrupção ne'e boot liu iha Ministério da Educação. Bele explica razão tan sá mak la'ós iha instituição sira ne'ebé ohin menciona, maibé iha fali Ministério da Educação?

Mak ne'e de'it, obrigada.

Sr. Presidente: – Obrigado, Sr.^a Deputada.

Tuirmai: Sr. Deputado Fabião de Oliveira. Halo favor.

Sr. Fabião de Oliveira (FRETILIN): – Boa tarde ba Senhor Comissário CAC ho ninia comitiva no ba Presidente.

Em primeiro lugar, ha'u hakarak louva ba relatório Comissário Anti-Corrupção nian e relatório ida-ne'e atu reflete ba atividade tomak ne'ebé que durante 2019 Ita-Boot sira hala'o Ita-Boot sira nia knaar. E iha recomendação ida iha parte 6, Ita-Boot sira fó hanoin filafali ba Parlamento Nacional

atubele acelera lailais kona-ba Lei Anticorrupção, e ha'u fiar katak iha tinan ida-ne'e Lei Anticorrupção bele conclui, atubele hatete katak Ita-Boot sira iha ona nehan bele tata uitoan, bele combate corrupção iha Timor-Leste.

Tanba tuir Ita-Boot sira nia lema dehan katak hakarak rico, rico ho kossar-been, la'ós rico ho ossan Estado nian ka ho povo nia ossan. Ida-ne'e mak ha'u hanoin, ha'u aprecia tebes ba Ita-Boot sira-nia relatório.

Iha relatório ida-ne'e mós iha parte 2, kona-ba prevenção e sensibilização. Iha componentes balu iha Timor-Leste ne'ebé Ita-Boot sira bá halo sensibilização, liuliu ba iha ensino superior, ba líder comunitário sira no mós ba estudante sira seluk. Ha'u hakarak hussu de'it, quando Ita-Boot sira halo sensibilização ho formação, mais ou menos *feedback* hussi grupo sira-ne'e, saida mak mai Ita-Boot sira para exige dehan corrupção ne'e importante para ita precisa atu combate iha Timor-Leste, exigência saida mak hussi ita-nia comunidade sira, hussi grupo importante sira-ne'e, atu exige ba iha CAC atubele combate lailais corrupção iha Timor-Leste?

Segundo, kona-ba Ita-Boot sira-nia visita surpresa, ohin ha'u lê iha relatório ida-ne'e, ba alfândega no mós iha Suai. Tanba saida mak Ita-Boot sira bá de'it iha alfândega no mós imigração? Nu'ussá la bá instituição ka ministério sira seluk ne'ebé ita haree katak iha indicação corrupção ne'e buras la halimar, exemplo ADN, iha mós Ministério Educação ne'ebé Ita-Boot sira menciona iha relatório ne'ebé dehan corrupção buras la halimar, no mós iha Ministério sira balu? Ne'e dificuldade tanba ossan eh tanba Ita-Boot sira-nia plano mak seidauk to'o iha-ne'ebá? Ha'u hussu perguntas ne'e, se bele atu responde ba ida-ne'e.

Ha'u mós aprecia kona-ba CAC ninia intervenção ka investigação kona-ba património Estado iha tinan ida-ne'e, Ita-Boot sira halo duni Ita-Boot sira-nia serviço, prende quase viatura barak ne'ebé Governo Estado nian ne'ebé hussi agência Estado sira hanessan funcionário público ho sira seluk ne'ebé utiliza viaturas sem autorização hussi sira-nia superior e usa património sira-ne'e iha tempo feriado nian. E hakarak hussu to'o iha-ne'ebé ona Ita-Boot sira-nia processo kona-ba ida-ne'e? Será que lori ona ba Ministério Público atu processa, e hira?

E ida-ne'e aban bainrua, se nia processo continua la'o e sira sei hetan processo ida-ne'ebé todan tanba sira comete ona iha crime, Ita-Boot sira bele fó to'ok informação ida-ne'e ba ami para ami bele hatene kona-ba lala'ok ka andamento ida-ne'e.

Ha'u hanoin mak ne'e mak ida-ne'e de'it.

Obrigado.

Sr. **Presidente**: – Obrigado, Sr. Deputado sira.

Hussu ba maluk Deputado sira para bele maneja minuto ne'ebé iha ecrã ne'e, três minutos é três minutos, para ita bele acelera ita-nia agenda ne'e. Obrigado ba Ita-Boot sira-nia consideração.

Tuirmai: Sr. Deputado Francisco Branco.

Sr. **Francisco Miranda Branco** (FRETILIN): – Obrigado, Presidente.

Bem-vindo ba Sr. Comissário CAC ho comitiva tomak.

Ha'u regista iha citação Sr. Comissário nian ko'alia kona-ba estratégia nacional combate corrupção. Ha'u hussu Ita-Boot atu desenvolve liután. Ha'u interpreta hanessian política nacional ba luta contra corrupção, tanba a nível de Estado, tuir ami-nia hanoin, tem que iha duni política nacional ida ne'ebé órgão soberania e instituição Estado tomak bele iha entendimento comum hodi coopera ba malu hanessian, por exemplo, bainhira iha troca de informações, troca de dados, troca de pedidos... Exemplo ha'u coloca iha-ne'e, bainhira ita-nia instituição justiça sira hussu levantamento de imunidade tem que iha cooperação, ou se lae hussi instituição hanessian CAC, hanessian Ministério Público, bainhira halo investigação precisa dados tem que iha cooperação. Tem que! Então para tem que ne'e, tem que hamossu entendimento ida-ne'ebé iha estratégia nacional Ita-Boot nia lian, maibé tuir ha'u-nia hanoin iha política nacional ida. Ida-ne'e mak ha'u-nia interpretação kona-ba Ita-Boot, iha-ne'e iha citação dehan estratégia nacional combate corrupção.

Ami rona hussi relatório Procurador-Geral República nian, nia preocupado ho situação ita-nia Estado Timor-Leste ba lavagem de dinheiro, *money laundry*, fase ossan. Ami iha perceção ida katak belun balu, iha ita-nia sociedade nia laran, hanoin katak lavagem de dinheiro, fase ossan ka *money laundry* ne'e atividade económica di'ak ida, bele desenvolve ita-nia economia, maibé sira tau exemplo hanessian Singapura, maibé ha'u hanoin ita la'ós ona iha década 65, bainhira Singapura desenvolve nia Estado, ita agora iha século XXI e situação oin seluk, lavagem de dinheiro ka *money laundry* ne'e ligado ho crime organizado barabarak, crime organizado hanessian tráfico humano, tráfico de drogas, tráfico de armas, e crime seluk-seluk barak tan. Ne'ebe, ami hakarak hussu to'ok Ita-Boot nia preocupação kona-ba ida-ne'e, ligado mós ho preocupação Procurador Geral da República.

Kona-ba Lei Anticorrupção, ne'e agenda ida, ha'u hanoin Presidente Parlamento Nacional mós comprometido katak iha tempo badak ida-ne'e prioridade Parlamento Nacional atu considera no aprova. Tanba ida-ne'e la'ós ba interesse ita-nia Estado nian tanba ita-nia Código Penal mós ultrapassado ona, dez anos ona, então precisa ita iha instrumento ida próprio ba prevenção e luta contra corrupção, liuliu tanba ita-nia compromisso bainhira ita ratifica UNCAC.

Ha'u hanoin ha'u-nia intervenção mak ne'e de'it.

Obrigado, Presidente.

Sr. Presidente: – Obrigado, Sr. Deputado.

Tuirmai: Sr.^a Deputada Josefa Pereira. Halo favor.

Sr.^a Josefa Álvares Pereira Soares (FRETILIN): – Obrigado, Sr. Presidente, boa tarde ba Ita-Boot, bem-vindo ba Sr. Comissário ho nia equipa, boa tarde mós ba ita hotu.

Em primeiro de tudo, ha'u aprecia tebes ba serviço Sr. Comissário nian hamutuk ho nia equipa tomak ne'ebé bele habelar conhecimento ba público, ema hotu, atubele hatene kona-ba saída mak corrupção e oinsá mak atu bele erradica corrupção iha ita-nia País ida-ne'e.

Tuirfalimai, ha'u aprecia mós Ita-Boot sira-nia visita de surpresa ne'ebé Ita-Boot hala'o ba instituição sira balu. Ida-ne'e mak di'ak duni, tanba quanto mais ita halo visita de surpresa, de repente de'it, di'ak liután atubele descobre buat barak ne'ebé sira la preparado atu oinsá mak bele responde ba ita, e hussi ida-ne'e mak ita bele apanha sira-nia fraquezas ne'ebé ita tem que hadi'a, e se for preciso karik atu lori bá iha oin, ita lori bá iha oin.

E buat balun ne'ebé ha'u mós louva Ita-Boot sira-nia capacidade atu oinsá mak bele atravessa dificuldade sira ne'ebé Ita-Boot sira iha, mesmo que ho ossan ne'ebé uitoan, maibé Ita-Boot sira bele usa Ita-Boot sira-nia capacidade hodi bele liu dificuldade sira ne'ebé que iha, iha instituição ne'e nia laran.

Ha'u iha pergunta ida de'it. Hanessan tuir CAC hatene, iha Parlamento Nacional ne'e sempre iha discussão kona-ba 143 projetos ne'ebé ita rona beibeik durante iha tempo ida-ne'e, mossu divergência de opiniões entre Deputado sira ne'ebé balun defende, maibé balun ita bele hatete dehan acusa ho factos sira ne'ebé iha, então até estabelece tiha comissão eventual ida atu haree kona-ba 143 projetos ne'e. Ikusmai, sei nafatin iha defesa hussi parte balun ba ações ne'ebé ita bele hatete dehan iha responsabilidade no acto sira-ne'e ita bele hatete dehan katak bele mós ita classifica ona dehan crime karik. Ami hakarak hatene saída mak unidade informação de segurança ne'ebé Ita-Boot sira estabelece rassik duni iha instituição ne'e nia laran, deteta kona-ba 143 projetos ne'e, tanba iha informação ne'ebé balu fó oin ida, balu seluk oin ida e até hussi Governo selu balubalun tiha ona, Ita-Boot sira bele fó to'ok informação uitoan kona-ba situação ida-ne'e.

Segundo, ami hakarak hatene mós caso sira ne'ebé Ita-Boot sira haruka ona ba iha Ministério Público, hira ona mak hetan nia solução, atu hanessan ne'e ita bele haree katak esforço ne'ebé Ita-Boot sira halo durante tempo ida-ne'e tomak iha mós consideração hussi parte instituição Tribunal nian e no mós hussi Ministério Público nian. Tanba ita hotu iha-ne'e hakarak atu erradica corrupção ne'e, hariku an ho ossan rassik, maibé labele hariku ho corrupção. Ida-ne'e mak ita hotu buka atu oinsá mak bele implementa duni hanoin ideal ida-ne'e.

Ne'e de'it mak ha'u-nia pergunta, por enquanto, ne'ebé ha'u hato'o ba Sr. Comissário ho nia equipa.

Obrigado, Sr. Presidente.

Sr. Presidente: – Obrigado, Sr.^a Deputada.

Tuirmai: Sr.^a Deputada Lídia Norberta Martins. Halo favor.

Sr.^a Lídia Norberta dos Santos Martins (FRETILIN): – Boa tarde, Sr. Comissário CAC e adjunto sira hotu no equipa, bem-vindo ba Ita.

Ami acompanha apresentação ne'ebé ohin Ita-Boot apresenta, kaer mós ba livro ne'ebé Ita-Boot sira submete mai, apresentação ne'e Ita-Boot sira kaer iha livro ne'e. Hanessan mós colega sira seluk, ami louva tebes Ita-Boot sira-nia serviço, ho equipa ne'ebé iha, hala'o duni serviço, hodi nune'e, buat ida dehan erradica corrupção, ne'e halo. Maibé, ami iha dúvida balu ne'ebé hakarak hussu ba Ita-Boot, relaciona ho wainhira Ita-Boot sira identifica kona-ba causa ba crime corrupção, iha-ne'ebá Ita-Boot sira menciona kona-ba Gabinete Inspeção no Auditoria, iha-ne'ebá Gabinete Inspeção no Auditoria barak iha ministério la hala'o sira-nia knaar ho didi'ak. Então, ho ida-ne'e ami atu hussu hussi causa ne'ebé Ita-Boot sira identifica ne'e, sá recomendação mak Ita-Boot sira fó ona ba instituição sira, hodi nune'e bele halo.

Tuirfali, iha Ita-Boot sira-nia causa ne'ebé Ita-Boot sira identifica, ida fali ko'alia kona-ba orçamento ba subvenção no transferência pública ne'ebé la beneficia ba povo. Bele ka lae Ita-Boot hakle'an tan kona-ba assunto ida-ne'e, tanba durante discussão ne'ebé iha no mós apresentação ne'ebé tinan kotuk Ita-Boot sira mai halo, ha'u sei hanoin kona bainhira ita hotu-hotu questiona kona-ba assunto ida merenda escolar nian, então ha'u-nia pergunta ba ida-ne'e: será que Ita-Boot sira quando ko'alia kona-ba transferência pública ne'ebé la beneficia povo ne'e, ida-ne'e kaer nafatin de'it ba buat ida merenda escolar ne'e ka habelar tan ba questão seluk? Se ba questão seluk, bele ka lae Ita-Boot

sira fó to'ok hanoin balun ka informação mai ami para ami bele hatene sá transferência pública mak la fó beneficio ba povo?

Ikusliu, Sr. Comissário CAC, Ita-Boot sira halo estudo barabarak ne'ebé fó duni informação di'ak tebes mai ami, e ami recomenda, bele karik, haree to'ok, tanba ohin ha'u lembra ha'u seidauk haree dados kona-ba investigação ka buat ruma ne'ebé Ita-Boot sira halo relaciona ho Administração Estatal. Hanessian ita hotu hatene... Ha'u fó exemplo simples de'it ba Administração Estatal, buat ida be pagamento de parque de estacionamento, ida-ne'e ita sempre selu ho bilhete, agora ha'u-nia dúvida mak, se ita la halo investigação ka haree didi'ak kona-ba questão ida-ne'e, será que ossan ida-ne'e hatama duni ba cofre de Estado ka lae? Ou keta halo acontece mós hanessian ohin Ita-Boot sira apresenta iha livro ne'e, Ita-Boot mós ko'alia verbalmente, katak iha buat ida *cash system* ne'e mak dificulta, atu nune'e ita bele cobra receita de Estado. Ne'ebe, ha'u hakarak hussu to'ok kona-ba ida-ne'e de'it.

Obrigada e bom trabalho ba Ita.

Sr. **Presidente**: — Obrigado, Sr.^a Deputada.

Tuirmai: Sr.^a Deputada Olinda Guterres. Halo favor.

Sr.^a **Olinda Guterres** (KHUNTO): — Boa tarde ba colega sira tomak, liuliu ba Sr. Comissário ho nia comitiva.

Ha'u aponta hela iha-ne'e atu halo pergunta ida ka rua ba Ita-Boot.

Iha-ne'e ha'u haree Ita-Boot sira-nia serviço la'ó di'ak tebes, maibé iha duni caso ruma ne'ebé ha'u hakarak hato'ó no hakarak hussu ba Ita-Boot. To'ó agora CAC hetan queixas kona-ba corrupção ne'e hira ona? Pergunta ida mak ne'e. Seluk fali, caso hira mak sei pendente, no pendente ne'e to'ó bainhira mak atubele resolve?

Segundo, por exemplo, caso Sr.^a Emília Pires nian ho nia colega sira seluk horas ne'e iha-ne'ebé? Tanba saida mak to'ó agora seidauk resolve? E bainhira mak atu lori filafali Sr.^a Emília Pires ne'e mai atubele cumpre ninia sentença iha Timor-Leste ida-ne'e? Saida mak impede? Pelo menos serviço hamutuk ho autoridades legais internacionais hodi lori fila mai iha Timor-Leste atu nune'e sira bele cumpre sira-nia dever sentença. Sr.^a Emília Pires nia naran agora seidauk hamoos, ne'e duni ami fiar iha Ita-Boot, relatório ne'ebé Ita-Boot hatama mai, pelo menos, ha'u la lê hotu, maibé uitoan-

uitoan tama hela ba kakutak oan ida-ne'e, mas ida-ne'ebé mak interessante liu mak ha'u hussu ba Ita-Boot maka assunto ne'ebé ohin ha'u hato'o, liuliu caso Emília Pires ninian.

Iha duni caso corruptor sira-ne'e, agora iha ka lae e hira mak registo tiha ona? E registo sira-ne'e iha hira mak Ita-Boot sira resolve tiha ona? Pelo menos fó hatene mai ami Deputado sira para povo sira hussu mai ami karik, ami bele responde. Baibain iha ita-nia Timor ne'e dehan katak corruptor barabarak, e corruptor nia problema ne'e resolve to'o iha-ne'ebé ona, ami atu hatán saida se Ita-Boot la fó informação ruma mai ami.

Tanba ida-ne'e mak ha'u hussi Bancada KHUNTO, iha Parlamento ida-ne'e, hakarak hussu ba Ita-Boot pergunta ohin rua ka tolu hussu ba ne'e, ida mak: Sr.^a Emília Pires ninian, e seluk mak caso corrupção nian hira ona, e tanba saida mak seidauk resolve to'o agora.

Mais ou menos ida-ne'e de'it mak ha'u-nia pergunta ba Ita-Boot, ha'u hussu desculpa ba Ita-Boot karik ha'u halo pergunta sala, ho hakraik an ha'u hussu desculpa e obrigado.

Sr. Presidente : — Obrigado, Sr.^a Deputada.

Tuirmai: Sr. Deputado Francisco de Vasconcelos. Halo favor.

Sr. Francisco de Vasconcelos (PLP): — Obrigado, Sr. Presidente.

Boa tarde ba Sr. Presidente, Secretária, Comissário CAC ho nia adjuntos e diretor sira, assessor sira, distintos Deputados.

Em primeiro lugar, ami aprecia relatório anual hussi Comissão Anti-Corrupção, tanba hussi relatório ne'e descreve kona-ba atividades, planos no estratégias oinsá para ita luta contra corrupção. Timor-Leste nu'udar membro UNCAC, hanessan mós nação sira seluk, ita hotu concorda katak corrupção ne'e inimigo potencial ba Estado de membro. Medida sira ne'ebé ita foti hussi medidas prevenção, medidas repreensão ho penalização sira-ne'e para ita atu combate corrupção iha ita-nia Rain.

Sr. Comissário, iha mós desafio balu, depois de ita discute Lei CAC nian, iha artigo lubuk ida, hussi 22 artigos ita discute hotu ona, ita sei hein tan medidas balu, liuliu medidas repreensão no mós kona-ba declaração de bens, fraude construção... Matéria sira-ne'e preparado ona, hein de'it tempo para ita bele finaliza, que Parlamento Nacional, liuhossi V Legislatura, iha compromisso politicamente hodi apoia Ita-Boot sira ho lei sira ne'ebé bele fó biban, fó kbiit ba Ita-Boot sira hodi halo combate corrupção. Mas iha medidas prevenção. Ita agora ne'e iha hela fase ida medida

prevenção no medida repressão. Medidas prevenção durante ne'e, depois de ami acompanha, la' o di'ak no capaz, mesmo que iha desafio, por exemplo iha intervenção política ka hussi político sira. Ami sugere para aban-bainrua quando iha intervenção política Ita-Boot sira la precisa halo *counter* iha media, uma vez que político sira halo intervenção Ita-Boot sira nonook halo Ita-Boot sira-nia serviço de'it, hatudu mak Ita-Boot sira-nia profissionalismo. Quando ema político sira halo intervenção, Ita-Boot sira *counter* ho intervenção, ne'e hatudu katak ita lori tama ba iha *ranah* política, ne'e cuidado! Iha informação barak ne'ebé que ita rona, hanessian mós iha Comissão A considera Ita-Boot sira hanessian *partner* oinsá para ita hotu discute Lei Anticorrupção atu bele resolve caso corrupção sira iha ita-nia Rain, maibé iha opinião pública, depois de ita halo discussão to'o iha klaran, iha ema balu, político sira balu, quase entidade barak, sira hussu hanessian ne'e mai ha'u katak artigo sira ne'ebé mak horibainhira ita discute ne'e sira hussu Comissão Anti-Corrupção para halo comparação ida ho nação Estado membro, bessik liu hussi Indonésia, ho nação sira seluk ne'ebé que usa medida forte hassoru ema sira ne'ebé que ita considera hanessian inimigo ba nação tanba comete acto corrupção.

Preocupação hirak-ne'e sira considera katak Timor-Leste to'o agora, depois de 18 anos, caso sira iha Timor ne'e, caso sira ne'ebé liga liu ba má administração, má gestão, abuso de poder, peculato de uso... Será que ita bele prepara kedas artigo sira ne'ebé mak forte tebetebes? Se ita compara ho estado membro hussi nação sira seluk ne'e la'ós ko'alia ona kona-ba mil dólares, construção sira ki'ikoan-ki'ikoan ne'e, ne'e halai tama liubá iha *money laundry*, crime organizado sira-ne'ebé mak ossan ne'e boot tebetebes, usa questão legal hodi *meloloskan* ossan ne'ebé nia implicações ne'e boot ba Estado, tanba sira dehan hanessian ne'e, artigo sira Ita-Boot sira prepara ne'e la relevante...

Sr. Presidente:— Bele conclui, Sr. Deputado, hanessian ohin ha'u anuncia tiha ona ba Ita-Boot sira, haree ba minuto ne'ebé determina.

Sr. Francisco de Vasconcelos (PLP): — Tanba tempo, Sr. Comissário, ha'u hakarak acrescenta tan katak medida ka *standard* ne'ebé que ita usa ne'e, liga ba lei ne'ebé ita discute daudaun, depois Ita-Boot sira bele halo mós explanação ida ka comparação ida entre Estado membro UNCAC (*United Nations Convention against Corruption*), medida sira ne'ebé ita usa ne'e forte, medida sira-ne'e, inclui Timor-Leste nian, mesmo ita-nia caso sira ne'ebé regista iha Timor ne'e, ita seidauk tama ba deteta caso sira ne'ebé mak boot. Ita sei ba loos de'it caso sira hanessian má administração, má gestão, abuso de poder, sira-ne'e messak caso ki'ikoan de'it, maibé ita-nia artigo sira ne'ebé ita prepara ba repressão ne'e, ne'e todan tebetebes. Ne'e hanessian desafio ida ba ita para

ita tem que tau artigo ida ne'ebé mak todan tebetebes ba caso crime sira hanessan *money laundry* ne'e, informação ida-ne'e barak tebetebes dehan katak Timor-Leste mós tama iha parte ida-ne'e, só que to'o ohin loron ita seidauk deteta.

Ne'ebe, ha'u hanoin Ita-Boot sira halo exercício maka'as ho delegação competência hussi Ministério Público, halo exercício maka'as para ita bele hassai tiha opinião pública katak... Selae crime ne'ebé que iha Timor ne'e ita só ko'alia iha contexto público de'it para bele hetan mós apreciação hussi público, mas na realidade caso sira ne'e la acontece.

Obrigado, Sr. Presidente.

Sr. Presidente em exercício (Luís Roberto da Silva): — Ha'u taka inscrição ba Ita-Boot sira tanba tempo. Ha'u haree pergunta ne'e atu halai ba ida de'it, ne'ebé ha'u entrega diretamente filafali ba Sr. Comissário para responde e fó informação hakle'an ba sugestão sira ne'ebé mak Srs. Deputados hato'o. Obrigado, tempo fó ba Ita-Boot.

Sr. Comissário CAC (Sérgio Hornay): — Obrigado ba Sua Excelência Presidente em exercício no ba Na'i Deputado sira-nia intervenção.

Di'ak, ha'u regista iha interveniente na'in hitu mak fó perguntas no sugestões lubuk oan ida.

Hahú kedas ho Na'i Deputado Francisco de Vasconcelos, ami agradece ba Ita-Boot nia apreciação. Loos, ita iha desafios lubuk oan ida, maibé desafios sei la sai obstáculo mai ita atu desenvolve no hametin ita-nia instituição. Loos duni, ha'u ho ha'u-nia equipa ativamente, iha discussão sira ne'ebé mak ita halo iha fulan março to'o iha fim de maio ka junho, ita acerta atu bele conclui iha ita-nia Capítulo I, iha Disposições Gerais ninian. Oinsá mak ita bele haree, iha hanoin ida atu bele iha lei anticorrupção bele atu moderniza liután ita-nia código penal. Loos, ita aceita ba malu, ami simu, katak loos duni, ita ko'alia kona-ba fraude iha construção, ita ko'alia kona-ba iha participação empresário sira ba iha ato ilícito sira, ba iha contratação sira. Ita precisa iha lei atu bele completa ka harmoniza no moderniza liután iha ita-nia artigo sira, mesmo iha código penal ita hotu-hotu hatene katak iha crime corrupção ativa iha tiha ona, maibé ita precisa hametin liután para bele hatán ba iha preocupação sira ne'ebé maka ordenamento internacional sira ne'ebé mak iha tiha ona.

Seluk, ba iha *money laundry*, loos duni, ita iha lei ba iha Branqueamento de Capitais, ne'ebé ita iha tiha ona, ita halo serviço hamutuk ho Unidade Informação Financeira ka Banco Central, halo

serviço hamutuk ho Polícia Científica de Investigação Criminal (PCIC) ne'ebé mak iha responsabilidade atu bele haree kona-ba iha *money laundry*, ka lavagem de dinheiro, sira ne'ebé mak tama iha ita-nia Rain, tanto iha território jurídico Timor-Leste no mós iha possivelmente iha transações sira ne'ebé mak sai hussi território Nacional Timor-Leste ka iha estrangeiro. Então, ida-ne'e serviço ne'ebé mak ita halo baseia ba ita-nia lei sira, e iha cooperação judiciário sira-ne'ebé mak ita halo tanto hussi países CPLP no mós ita iha – ohin ha'u temi – instituição congénere, ne'e atu hateten dehan katak instituição sira ne'ebé mak iha nia natureza semelhante ba iha combate ka erradica crime corrupção iha possivelmente atu halo cooperação ida mútua, reciprocidade, oinsá mak atu bele haree sassán sira-ne'e iha troca nota ka informação sira atu bele haree serviço sira-ne'e.

Iha ha'u-nia mandato dala tolu ninian, ha'u fó mós ênfase maka'as ba iha Adjunto Comissário ida ne'ebé mak responsável ba iha portfólio, ba iha cooperação serviço apoio cooperação ninian. Cooperação em que sentido? Tanba ita haree katak iha transação orçamento balu ne'ebé mak halo iha fatin sira iha li'ur, nune'e mós halo iha rai laran, oinsá mak ita bele penetra atu nune'e ita bele descobre kona-ba ato sira-ne'e, sempre em coordenação ho PCIC nu'udar hanessian órgão responsável ba iha *money laundry* ka ba iha lavagem de dinheiro nian.

Ita mós la kuran buat ida atu halo serviço ida iha cooperação institucional atu bele reforça, bele iha natureza *money laundry*, maibé iha mós crime corrupção sira, tanba alfândega, tanba iha imigração, bele possibilita sassán sira ne'e tama liuhossi forma ka tipo crime sira ne'ebé mak bele nakait ba iha crime corrupção no mós ba iha crime sira tráfico humano, droga no mós ato sira ne'ebé mak orienta ba iha crime organizado.

Na'i Deputado, ami regista, ami hein katak Ita-Boot nia pergunta, desafios sira-ne'e ami sei tau nafatin iha consideração.

Ba Na'i Deputada Olinda ninian, ha'u atu limita ha'u-nia an ba iha atividades ka desenvolvimento hotu-hotu ne'ebé Comissão Anti-Corrupção halo iha tinan 2019, hanessian ha'u relata iha ami-nia relatório iha página 18 to'o iha 25. Iha ne'ebá, ha'u descreve katak iha caso por volta de 73 processos, inclui caso pendente sira ne'ebé mak mai hussi tinan 2018 nian. Ne'e atu hateten dehan saida? Katak ita serviço ho cuidado tebetebes, porque ita atu limita ema nia liberdade fundamental, espaço ema nian, ita atu constitui ema ida ba sai suspeito, ba sai arguido, ba iha ato hotu-hotu ne'ebé mak ita haree katak preenche tramitação ka pressuposto legal sira ne'ebé mak iha atu constitui ema ne'e ba arguido. Tanba ne'e duni, ami hanoin katak, depois la'ós ida-ne'e de'it, haree ba iha nia *modus operandi* ka ninia forma de atuação sira ba iha prática crime ne'e mós iha nia complexidade. Então, ida-ne'e mak ha'u hanoin katak ami ho prudente tebetebes, ami-nia kbiit

iha tinan 2019, ami bele halo de'it to'o iha 73 processos ami hatama, remessa. Remessa ne'e katak liu tiha investigação lubuk oan ida ne'ebé mak ami halo, ami hatama 43 processo iha tinan 2019, ba iha Ministério Público para atu nu'udar titular ação penal atu bele promove ação ka acusação, ka sira bele halo arquivamento ou sira bele aperfeiçoa ka hadi'a di'ak liután buat balu iha ne'ebá. Ami hanoin katak ami iha certeza katak relatório ne'ebé mak ami descreve iha ne'ebá bele contém ka aborda buat balun ne'ebé mak ami halo iha tinan 2019 ninian.

Ba iha Sr.^a Deputada Lídia Martins, ha'u mós hakarak deposita, restitui, ha'u-nia confiança ne'ebé mak Ita-Boot, Na'i Deputada, tula hela mai ami, ho ha'u-nia equipa, ho instituição ida-ne'e. Ami la iha dúvida ba Ita-Boot nia confiança hanessan Deputada. Loos duni, caso sira ne'ebé mak mossu, ami temi iha relatório katak mossu irregularidades ausência de controlo interno iha instituição direta ka indireta sira iha linha ministerial sira, tanba afasta ka hussik hela funcionário balu, dirigente balu halo serviço la em conformidade ho sira-nia dever sira. Então, possivelmente orienta ita-nia funcionário sira ba iha ato má prática e iha mós tendência atu lori ita-nia funcionário sira-ne'e ba iha prática corrupção nian. Se karik mak loroloron inspetor sira, auditoria sira, halo serviço no halo controlo e depois halo controlo integrado, coerente, sistemático, lora ba lora, ha'u hanoin bele alivia ita-nia funcionário sira para bele hassees an tiha hussi responsabilidade ba iha prática crime sira-ne'e.

Depois de halo tiha estudo sira-ne'e fó produz efeito balu katak iha duni fragilidade ka iha vulnerabilidade ba iha ita-nia instituição Estado e ami deteta no ami admite iha ami-nia, ita-nia, relatório tinan 2019 nian ba iha instituição 10 hanessan ami hatete hela iha página relatório sira-ne'e ninian katak PNTL, Ministério da Educação, MTCI, no mós Ministério da Justiça iha situação balu ne'ebé mak ita la halo prevenção, la halo aconselhamento ida ne'ebé mak integrado ho continuidade ida que di'ak, e possivelmente sei lori ita-nia funcionário... Sira-ne'e tem que merece hetan proteção para labele lori sira ba iha hahalok sira ne'ebé mak corrupção. Então, ita promove maka'as iha parte prevenção ninian para labele lori sira sai hanessan ema ne'ebé mak ba iha autor crime prática corrupção nian. Quer dizer ita la afasta sira, ita la permite ita-nia cidadão sira para atu bele saida... Então ita hakarak hassa'e sira nia integridade liuhossi situação sira-ne'e. Ne'e, Na'i Deputada, ami aprecia tebetebes.

Kona-ba iha subvenção pública, ita hotu-hotu hatene katak iha orçamento transferência pública ninian, iha subvenção pública ba iha instituição direta ka ba iha sociedade civil mós beneficia ba iha ossan sira-ne'e. Karik, iha ministério lubuk oan ida, iha MTCI, iha ministérios ne'ebé iha gabinete ne'ebé mak responsável ba iha sociedade civil, iha mós Ministério Educação ne'ebé mak usufrui ba iha subvenção pública, iha tentação balu atu bele monu ba iha prática ne'ebá. Karik atu produz ai-farina sai *super mie* então iha possivelmente ida-ne'e bele sai... Mas ida-ne'e

ita halo hotu ho cuidado tebetebes. Ha'u sempre hamutuk ho ha'u-nia colega sira iha equipa ne'ebé mak ami halo serviço, iha investigação ninian, tem que halo cálculo ida certo, objetivo, rigor, aposta ba iha legalidade, ita decide. Então, ami sente katak subvenção pública nu'udar orçamento Estado iha razão para executa maibé tem que nia finalidade destinado duni e nia fó tem que fó nia retorno ba iha interesse comum ka interesse ema barak nian.

Kona-ba Ministério Estatal, ita haree katak ordenamento ka desenho sira mak halo ba parque sira iha ne'e começa la'o furak tebetebes. Maibé ha'u hakarak hateten katak ho capacidade ka kbiit ne'ebé mak iha, ita sei fó hakat, hanessan ami hateten tiha ona katak ita halo vigilância, ita halo cobertura ba iha notícia, informação sira ne'ebé mak iha, ita aceita ba iha hanoin estratégico sira ne'ebé mak halo, para atu bele fó receitas, maibé receita sira ne'ebé mak halo tem que iha cobertura ba duni iha cofre geral do Estado. Então, la iha razão para ema ruma atu hetan benefício ba iha nia an rassik, ba iha ema seluk ou ba iha grupo ruma hodi hassees tiha orçamento ida-ne'e ba iha interesse partidário. Maibé ha'u hakarak hateten katak, lori Comissão Anti-Corrupção nia naran, ho honesto hateten katak ami seidauk tama ba ida-ne'ebá, sei to'o iha ne'ebá, maibé seidauk to'o ba iha ne'ebá, maibé ami pondera atu nune'e karik ba oin ida-ne'e bele sai hanessan exercício ida iha ami-nian ba iha futuro.

Ba Na'i Deputada Josefa Pereira, ami aprecia, ba Na'i Deputada nia apreciação, ami sei buka serviço atu bele halo melhoramento, oinsá mak ita bá iha concertação coletiva ida ba erradicação ba iha corrupção.

Visita surpresa sira ami halo, dala ruma ami haree hateten katak ida-ne'e visita adicional ruma, ita halo sobreposição, maibé lae, tanba la iha proibição, iha admissibilidade, iha dalan atu bele halo aconselhamento ho antecedência, ita halo. Ikusmai, Imigração sira mós contente, Alfândega sira mós contente katak ita começa halo serviço ida atu bele hakilar ba malu hodi nune'e labele possibilita potência boot ba iha criminalidade ka iha penalização ninian. Então iha ne'e iha ato ida que ita halo atu nune'e hassa'e nafatin sira-nia integridade, maibé dala ruma sira mós hussu de propósito sira tama tiha iha falhanço ida tanba ladún hakbessik an, hatoman an hodi bele ba fó nafatin advertências ba situação sira hanessan ne'e. Tanba ida-ne'e, Na'i Deputada, ami aprecia ba iha observação ida-ne'e.

Projetos 143, legitimidade, legalidade, institucional, ami pondera. E ha'u lakohi pronuncia iha ne'e, to'o ona iha ne'ebé? Maibé, Na'i Deputado sira, ami pronuncia tiha ona, halo nia encaminhamento ba instituições relevantes. Com certeza, hanessan ohin ha'u temi, ami halo saida, coordenação ida mútua, permanente, integrada, halo serviço lora ba lora para atu halo concertação ida oinsá mak ita bele haree hussi aspeto legalidade, preenchimento ba iha requisito

sira ne'e, karik ida-ne'ebá mak loos, ita dehan loos, ida-ne'ebé mak la loos, ita dehan merece para ita atu hussu responsabilidade ba iha buat sira ne'e. Ne'e ita halo serviço ho cuidado tebetebes, la'ós ta'uk, la'ós brani liu, maibé ita halo serviço tanba iha Lei mós hatete katak discrição, caducidade, *jatuh tempo*, ne'e iha. Então ita halo serviço, la'o beibeik atu nune'e bele iha fó finalidade ida to'o iha momento nia tem que sobressai iha publicidade, atos ne'e bainhira iha ona ninia publicidade bainhira iha nia acusação definitiva ida, acusação liuhossi Ministério Público e julgamento ne'ebé mak nakloke ba iha público. Maibé nu'udar investigador iha obrigação atu bele cuida nafatin processo sira-ne'e atu bele iha finalidade ida. Ami mós halo oinsá mak atu bele cruza Inquérito Parlamentar ne'ebé mak halo e acompanha dinâmica política sira ne'ebé mak la'o. Ami la pronuncia política sira ne'e iha público, ami halo serviço ho sigilo, confidencialidade, halo serviço ho nonook, maibé la'o ba beibeik. Caso lubuk oan ida hetan ona solução, ita começa hetan recuperação, balu tem que sujeita ba iha prisão de cadeia, balu tem que hetan recuperação, liuliu iha indemnização. Serviço ne'ebé mak Comissão Anti-Corrupção halo, hamutuk ho Gabinete Procurador-Geral da República, ikusmai Tribunal mak sei decide loos ka lae ema ne'e tem que sujeita ba iha infração administrativa liuhossi indemnização ou tem que hetan penalização condenação ba iha prisão.

Excelências, Sr. Francisco Branco, loos, ami hanoin katak ita tem que iha abordagem ka hanoin boot ida ba iha guião boot ida política nacional, para ita iha concertação katak pelo menos ita iha ona instituição sira hanessan Tribunal de Contas, Provedor de Direitos Humanos, Inspetor-Geral do Estado, Comissão Anti-Corrupção, maibé ita precisa iha orientação geral ida atu guia ita nu'udar hanessan Estado hodi defini loloos ita-nia política prevenção ne'e halo nu'ussá. Ha'u hanoin Na'i Deputados sira hatene liu. Ami hanessan ema técnico, ami pronto atu bele providencia, la'ós ami de'it, maibé ami bele coopera ho organizações sira ne'ebé mak iha ninia serviço hanessan ba iha erradicação corrupção ninian atu bele fomenta hanoin balu oinsá mak ita bele elabora, para ita bele iha plano estratégico ida ne'ebé mak bele corresponde ba ita-nia espírito nacional no mós iha lei sira internacional sira-ne'ebé mak iha, labele tau em causa ba iha sobreposição ba malu. Ita precisa iha política prevenção ida clara atu manifesta ka articula serviço sira-ne'e iha cada linha ministerial sira no mós instituição sira atu bele oinsá ita bele erradica, ita halakon daudauk ona ita-nia hahalok sira ne'ebé mak ba iha má prática ou potencialmente lori ita ba iha prática corrupção ninian. Se ida-ne'e iha hotu ona, ita iha integridade ida que di'ak, ha'u hanoin ita fácil loos atu ko'alia kona-ba boa governação, ita ko'alia kona-ba «acuntabilidade», ita ko'alia kona-ba transparência, fácil loos tanba ema hotu-hotu entende, halo leitura ida kle'an ba iha política, ba iha estratégia nacional ida-ne'e.

Ha'u hanoin katak aceita ho hanoin balu ne'ebé mak mai hussi Sr. Deputado, katak ita precisa troca informação sira, ita iha ona ema lubuk oan ida, nação oan lubuk oan ida ne'ebé mak ita halo concertação, mesmo, entre aspas, ita seidauk halo extradição balu ho nação sira seluk. Então, ida-ne'e sai hanessan lacunas ka omissão balu ne'ebé ita iha, mas ita precisa halo ida-ne'e.

Lailais de'it atu fó hanoin uitoan ba iha saida mak preocupação Sr.^a Deputada Olinda ninian, kona-ba caso Emília. Loos, la'ós ona sai hanessan segredo tanba caso público e julga tiha ona iha Tribunal. Maibé ita mós tem que hein, aguarda uitoan, tanba nia processo ne'e iha hela recurso, seidauk iha trânsito em julgado. Maibé ita mós respeito katak nia agora ausente hussi território nacional Timor-Leste. Saida mak ita bele halo? Ita acompanha hela katak caso kona-ba ida-ne'e sei iha hela fase recurso, seidauk iha decisão trânsito em julgado. Ita iha cooperação ida que metin tanto ho Procurador Geral da República, Ministério Justiça, no mós ho instituição ita bolu karik dehan *International Police* para haree sassán sira ne'e. Ita mós bele halo cooperação ida dehan katak processo, se karik nia agora cidadão Portugal ka nação seluk, bele halo cooperação, *joint*, oinsá mak processo bele julga iha Portugal, maibé ita iha cooperação iha serviço sira-ne'e. Então sassán sira-ne'e hotu ita trata liu hussi... Além de la'ós Comissão Anti-Corrupção nian independentemente halo buat sira-ne'e, maibé tem que halo articulação serviço ho Procurador-Geral nia gabinete hanessan instituição ne'ebé mak bele promove acusação no mós halo execução bainhira iha caso ruma tama ona iha trânsito em julgado.

Pronto, ami considera nafatin hanoin ne'e, iha anotações técnicas balu ne'ebé ha'u temi ami kaer hela iha-ne'e, ami la hussik ida-ne'e.

Nune'e mós karik adianta uitoan tan ba iha Bobby Boye nia problema, ami mós acompanha, ne'e hanessan atu bele temi de'it ne'ebé iha ne'ebá mós iha buat balu ne'ebé nia hetan ona trânsito em julgado, ossan por volta três milhões quinhentos e dez mil ne'ebé mak horas daudaun saida mak ita halo, ita halo hela exercício acompanhamento, mas ita hotu-hotu tem que calma halo serviço ho silencio maibé ita iha responsabilidade atu bele hakat bá oin.

Na'i Deputado Flávio ninian, dala ida tan, obrigado ba louva no apreciação, hein katak apreciação ida-ne'e sei bele hametin liután, encoraja tan ami atu bele halo serviço, ami sei halo nafatin serviço surpresa sira, ami sei halo nafatin serviços *auto stop* sira. Ha'u bele hatete, iha ita-nia intervenção, ita halo ba iha ato ilícito sira por volta de 51 casos, ita encaminha ona processo hanessan remessa processo final nia caso 10 mak ita haruka ona ba iha Ministério Público.

Independentemente orsida Tribunal pronuncia halo nu'ussá, ne'e questão ketak ida, maibé nu'udar hanessan autoridade policial, tuir nia natureza serviço, competência ne'ebé mak fó ba iha Comissão Anti-Corrupção, halo investigação, sente katak preenche ona requisito sira, encaminha

ba iha Ministério Público atubele efetua nia decisão hotu, nia competência hotu tuir Lei Código Processo Penal ne'ebé mak iha.

Ba ha'u-nia Na'i Vice-Presidente Parlamento Nacional, Sr.^a Angelina Sarmiento, loos duni, iha artigo 5.º fó competência ba iha Comissão Anti-Corrupção para atu bele haree kona-ba serviço sira la'ós iha de'it investigação criminal nian, maibé halo mós ba iha serviço sira prevenção criminalidade ninian.

Hanessan temi iha artigo 5.º, Competência Comissão Anti-Corrupção ninian, iha alínea b) hatete oinsá mak realiza recolha no halo análise ba iha informação sira ne'ebé mak la'o iha comunidade nia leet, então ami buka atu bele recolhe informação sira-ne'e e possivelmente halo análise ba iha informação sira ne'ebé mak sai hanessan notícia de crime para atu bele bainhira ami halo *gelar perkara* ba caso sira-ne'e, iha ka lae, preenche pressuposto legal sira para ema ne'e ita bele... Tanba ita iha serviço técnico, tática, estratégia ba iha investigação criminalidade ninian, então ita iha ita-nia técnica, tática no mós ida-ne'e.

Kona-ba estudo sira ne'ebé mak ami halo ba iha arrendamento ninian, karik iha possivelmente iha fraude ruma iha-ne'ebá, ami halo tiha estudo, ami foin lança daudauk iha dia 9 de dezembro halo lançamento ba iha relatório arrendamento ninian e ami tenta atubele haree recomendação sira ne'ebé mak iha liu iha relatório ida-ne'e ninian atubele haree tuir e ida-ne'ebé mak tama iha trâmites administrativos, ida-ne'ebé mak tama iha hahalok sira ne'ebé mak ho premeditação ba iha ne'ebé mak ninia iniciativas ne'e bele iha ninia continuidade ba iha crime corrupção, com certeza ho kbiit ne'ebé mak ami iha ami halo ninia sequência sira la'o ba iha oin.

Sobreposição entre serviço ida hussi Comissão Anti-Corrupção ho Polícia Científica de Investigação Criminal, ha'u hanoin CAC ninia leitura ida completo bele define loloos ona iha Lei n.º 8/2009 katak serviço sira ne'ebé mak iha nia natureza ba iha crime corrupção sira ne'e recai ka cabe ba iha Comissão Anti-Corrupção atubele halo efetua sira-nia serviço. Ida-ne'ebé mak tama ba iha crime organizado sira, ba iha *money laundry*, droga, ba iha crime sira ne'ebé mak ho ninia homicídio ne'ebé ho caráter complexo, cabe ba iha Polícia Científica de Investigação Criminal. Nune'e mós ba iha crime ordinário sira hanessan ba iha ofensas corporais simples, violação sexual, violação doméstica, buat sira-ne'e tama ba iha crime ordinário ne'ebé mak tama ba iha serviço próprio iha Polícia Científica de Investigação Criminal ka PNTL ninian.

Então, tuir ami-nia ponto de vista, Senhora Vice-Presidente, ami hanoin katak ami tenta hela serviço coordenação ida atu para atu labele iha sobreposição ka *overlapping* ba iha serviços entre instituição ida ba instituição, maibé sempre halo ajustamento para atu labele hamossu iha competência ka iha ninia personalidade jurídica ne'e labele iha contradições ba malu.

Ida-ne'e mak ha'u hanoin ha'u karik bele hato'o ka fó resposta simples oan ida ba iha Na'i Deputado sira, ho Sr. Presidente nia permissão ami bele hatete katak karik ida-ne'e mak respostas hussi sessão primeiro ninian. Karik ho buat ruma sei falta, ha'u sempre disponível para atu bele fó mós tempo ba ha'u-nia adjunto sira, karik precisa, se la iha ha'u hanoin ha'u-nia resposta mak ne'e ida-ne'e.

Obrigado barak, Sr. Presidente.

Sr. Presidente em Exercício (Luís Roberto da Silva): — Obrigado, Sr. Comissário Comissão Anti-Corrupção ninian.

Ha'u hanoin explicação ne'ebé mak hussi Sr. Comissário natoon ona ba maluk Deputado sira, tanba tempo e tanba orsida loraik tuku 4 ho balun mós sei iha encontro líder bancada atu fó apreciação ba iha agenda kona-ba aprovação extensão ba iha estado de emergência ka lae. Tanba ne'e mak hussu ba maluk Deputado sira, liuliu ba líder bancada sira, atu orsida marca presença .

Ha'u hanoin explicação ne'ebé mak hussi Sr. Comissário ne'e natoon ba iha Parlamento hodi sai bukae ida ba ita hotu, e hussi Mesa mós hato'o parabéns ba Ita-Boot sira-nia serviço e sucesso nafatin atubele combate corrupção iha ita-nia Nação Timor-Leste.

Hussi Mesa Parlamento mós fó nafatin coragem ba Ita-Boot sira no Ita-Boot sira nia Comitiva hodi serviço di'ak liután para bele hamate liafuan ida naran corrupção iha Timor-Leste.

Obrigado wa'in. Ha'u encerra Plenária ba ohin ninian.

Sr. Presidente encerra sessão plenária tuku 13 liu minuto 24.

DIVISÃO DE REDAÇÃO, AUDIOVISUAL, TRANSCRIÇÃO E DOCUMENTAÇÃO.